



中国国家图书馆
NATIONAL LIBRARY OF CHINA

新刊古今歲時雜詠卷第二十八

古詩

中元

七月十五日題章敬寺

德宗

招題邇皇邑，複道車重城。法筵會早秋，駕言訪禪局。
嘗聞大仙教，清淨宗無生。七江匪吾寶，萬行先未成。
名相既雙寂，繁華奚所榮。金風扇微涼，遠烟凝翠晶。
松院靜苔色，竹房深磬聲。境幽真慮恬，道勝外物輕。
意適本非說，含毫空復情。

奉和聖制中元日題章敬亭

崔元翰



妙道本非說殊途或異名聖人得真要俱以化群生
鳳吹從上苑龍宮連直城花鬢列廣殿雲罕騶前庭
松竹含新秋軒窓有餘清緬懷崆峒事須繼素管
離相憶覩家忘言理吏精域中信稱大天下有為輕
屈已由濟物堯心豈所榮

中元日鮑端公宅遇吳天師聯句

道流為柱史教戒下真仙嚴維共契中元會初修內
景篇鮑防游方依地僻卜室喜牆連謝良輔寶笥開金
籙華池漱玉泉杜弈怪龍隨羽翼青節降雲烟李清
昔去遺丹竈今來變海田劉蕃養形奔二景練骨度
千年謝良弼騎竹投陂裏攜壺枉牖邊鄭概洞中嘗入

靜河上舊談玄陳允初伊洛笙歌遠蓬壺日月偏樊珣
青驪爾訓引白犬伯陽牽玄丹法受相君後心存象帝
先呂渭道成能縮地功滿欲昇天范淹何意迷孤往
含情戀數賢吳筠

開元觀陪杜大夫中元日觀樂

戎昱

今朝歡稱玉京天况值闕東俗理年舞態疑迴紫陽
女歌聲似遏綵雲仙盤空雙鶴驚九劍灑砌三花度管絃
落日香歸塵擁騎好風油幕動高煙

中元日觀法事

盧拱

四孟逢秋序三元得氣中雲迎碧落步章奏玉皇宮



壇滴槐花露香飄栢子風羽衣凌縹緲瑶鞍輾虛空
久慕滄霞客常悲習蓼蟲青囊如可授從此訪鴻蒙

中元夜

李郢

江南水寺中元夜金粟欄邊見月娥紅燭影迴仙態
近翠環光動看人多香飄彩殿凝蘭麝霧縠輕衣雜
綺羅湘水夜空巫峽遠不知歸路欲如何

酬蘇少尹中元夜追懷去年此夕鄙人與
故李諫議郭負外見訪感時思舊之作

令狐楚

直繼先朝衛與莫能移孝友作忠貞劔門失險曾縛
虎淮水安流緣斬鯨黃閣碧幢惟是儉三公二伯未

為榮惠連忽贈池塘句又遣羸師破膽驚

中元日贈張尊師

偶來人世值中元不獻玄都永日閑寂寂焚香在仙
觀知師遙禮玉京山

中元作

李商隱

絳節飄飄宮國來中元朝拜上清迴羊權雖得金條
脫温嶠終虛玉鏡臺曾省驚眠聞雨過不知迷路為
花開有娥未抵瀛洲遠青雀如何鳩鳥媒

中元夜寄道侶二首

陸龜蒙

學餌霜茸骨木輕每逢其夕夢還清丁寧獨受金妃
約許與親題玉篆名月苦撼殘臨水珮風微飄斷繫

雲纓須臾枕上桐窓曉露壓千枝滴
橋齋風露已清餘東郭先生病未除孤枕易為蛩破
夢短簷難得燕傳書廣雲披日君應近倒景栽花我
尚踈惟羨羽人襟似水平持旄節步空虛

即事中元甲子

羅隱

三秦流血已成川塞上黃雲戰馬閑只有羸兵填渭
水終無竒士出商山田園已沒紅塵內弟姪相逢白
刃間惆悵翠華猶未返淚痕空滴劒文斑

中元夜看月

朦朧南溟月洶湧出雲濤下射長鯨眼遙分玉兔豪
勢來牛斗動路越宵冥高竟夕瞻光彩昂頭把白醪

中元夜泊淮口

木葉迴飄水面平偶停孤棹已三更秋涼霧露侵燈
下夜靜魚龍逼岸行歌枕正牽題柱思隔樓誰轉遶
梁聲錦帆天子狂魂魄應過揚州看月明

今詩

中元

中元夜百花洲作

范仲淹

南陽太守清狂發未到中秋先賞月百花洲裏夜忘
歸綠梧無聲露光滑天學碧海吐明珠寒輝射空星
斗踈西樓下看人間世瑩然都在青玉壺從來酷暑
不可避今夕涼生豈天意一笛吹銷萬里雲主人高



歌客大醉客醉起舞逐我歌弗舞弗歌如老何

苦雨既久中元小晴見月東溪先生

中秋在後圓呈樣始中元向晚愁霖歇當空夕露繁
玉盤敲不響金餅柏成幡此景應希遇寒簾酌一樽

七夕纔過見家人潔供具以備中元因而有感

七夕星妃退中元佛臘還踵來頻令節隙過惜朱顏
雨水催盆草香烟吐壽山抱憂年亦邁寬飲慰貧閑

中元

潦退魚頭重風高鴈翅回竹林殘暑退荷葉晚香來
高興乘秋動清罇揖月開鳴蛙看飲盡猶自聒池臺

壬子中元朝同應求之小水院過毛田山

親稻田

余安行

曉行新露重金氣肅山谷偷然穿翠林滿目清可掬
晚苗秀堪倉早稻實已熟行歌代老農相慶足嘉穀

古詩

秋分

監祠夕月壇書事其禮用晝劉禹錫

西白司分晝夜半羲和亭午太陰生鏘鏘揖讓秋光
裏觀者如雲出鳳城

秋社

社日崇讓園宴

蘇頲



鳴嚼：農稔勾龍百代神運昌叨輔弼時報喜黎人
樹缺池光近雲開日影新生金應有地長願樂交親

社日二首

杜甫

秋豐成德業百祀發光輝報効神如在馨香舊不違
南翁已曲醉北鴈塞聲微尚想東方朔恢諧割肉歸
陳平亦分肉太史竟論功今日江南老他時渭水童歡
娛看絕塞涕淚落秋風鴛鴦回金闕誰怜病峽中

社日閑路作

白居易

晚景函閑路涼風社日天青嶺嚴新有鸞紅樹欲無蟬
愁立驛樓上厭行官堠前蕭條秋興苦漸近二毛年

祭社宵興燈前偶作

城頭傳鼓角燈下整衣冠夜鏡藏髮白秋泉漱齒寒
欲將閑送老須著病醉官更待年終後支持歸計看
循州社日留題館壁所居于左

裴夷直

浪花如雪疊江風社過高秋萬恨中明日便隨江燕
去依依俱是故巢空

社日遊開元觀

時當水荒之後

薛逢

松柏當軒蔓桂籬古壇衰草暮風吹荒涼院宇無人
到寂寞煙霞只自知浪漬法堂餘像設水存虛殿半
科儀因求天寶年中夢故事分明載折碑

社後

韓渥

社後重陽近雲天澹薄開目隨棊客靜心共睡僧閑
歸鳥城街日殘虹雨隔山寂寥思晤語何夕款柴閑

華下社日寄鄉中
社會見鄉情隣家起未明樂和豐歲久笑認老人聲
獨恨門猶掩仍無酒可傾交親誰念我一水隔歸程

今詩

秋社

社日飲永叔家

梅聖俞

雨未雨濛濛野田擊鼓賽社翁折條誇馬社翁去醉
叟卧倒梨葉紅鰲頭主人邀客飲玉酒新賜蓬萊宮
彭宣不預後堂會康成一舉三百鍾更邀明月出海

底瀾醉等是歸蒿蓬

社日與鹽院徐屯曰臺直李大傳小飲于

西園

御酒初頒醺醑醇去盡替仍是眼中人蕭條月榭携觴
徧瑣碎秋光插帽新簾幕晚風催燕別園林宵露入
梨津何須巧作治聲醉自有清談命醕頻

奉和聖製社日七言四韻 劉筠

美報斯勤驗國經里民單出慶秋成時羞饜飮盤中
味神鼓喧闐野外聲爽氣方高踈雨霽清暉微動遠
波平堯章潛發由戾詠京庚連雲萬億盈

社日戲題呈任副樞

晏殊

開樽幸有治龍耳
醞把葉能無送燕章
所惜近司停飲
會近年二府以秋宴近不賜社宴不如村叟醉秋光

新刊古今歲時雜詠卷第二十九

古詩

中秋上

中秋夜月二首

杜甫

滿目飛明鏡
歸心折大刀
轉蓬行地遠
攀桂仰天高
水路疑霜雪
林棲見羽毛
此時瞻白兔
直欲數秋毫
稍下巫山峽
猶銜白帝城
氣沉全浦暗
輪仄半樓明
刁斗皆催曉
蟾蜍且自傾
張弓倚殘魄
不獨漢家營

十六夜玩月

舊挹金波爽
皆傳玉露秋
閑山隨地濶
河漢近人流



谷口樵歸唱孤城笛起愁已童渾不寢半夜有行舟

十七夜對月

秋月仍圓夜江村獨老身卷簾還照客倚杖更隨人
光射潜虬動明翻宿鳥頻茅齊依橘袖清切露華新

中秋夜玩月

唐彥謙

一夜高樓萬景奇碧天無際水無涯只留皎月當曾
漢並送浮雲出四維霧靜不容玄豹隱冰生唯恐夏
蟲疑坐來離思憂將曉爭得常娥子細知

八月十六夜月色轉佳

斷腸佳賞固難期昨夜消魂更不疑丹桂影空蟬有
露綠槐陰在鵲無枝懶將吟詠撩惆悵早是踈頑耐

別離堪恨賈生曾慟哭不緣清景為憂時

八月十六夜月

盧延讓

十六勝三五中天照大荒祗鉞此子緣應耗沒多光
桂老猶全在蟾深未煞忙難期一年事到曉泥詩章

八月十七日夜書懷

令狐楚

三五既不留二八又還過金蟾羞未出玉樹悲稍破
誰向西園遊空歸北堂卧佳期信難得永夕無可奈

撫枕獨高歌煩君為予和

中秋懷感

戎昱

八月更漏長愁人起常早閑門寂無事滿院生秋草
昨宵北牕夢入荆南道遠客歸去來在家貧亦好

中秋夜登樓望月寄人

西樓見月似江城脉、悠、倚檻情萬里此情同皎
潔一年今日最分明初驚桂子從天落稍誤蘆花帶
雪平知稱玉人臨水見可憐光彩有餘清

中秋與空上人同宿華嚴寺 冷朝陽

埽塌相逢宿論時舊梵宮磬聲迎鼓尽月色過山窮
庭簇安禪草窓飛帶火虫一宵何惜別迴首隔秋風

中秋夜臨鏡湖望月

陳羽

鏡裏秋宵望湖平月彩深圓明珠入浦浮照鵲驚林
澹蕩光还碎婵娟影不沉遠時生岸曲空處落波心
迥徹輪初滿孤明魄未侵桂枝如可折何惜夜登臨

和崔中丞中秋夜玩月

張南史

秋夜月偏明西樓獨有情千家看露濕萬里覓天清
映水金波動銜山桂樹生不知飛鵲意何用此時驚

中秋夜與諸公錦樓望月

武元衡

玉輪初滿空迥出錦城東相向秦樓鏡分飛碣石鴻
桂香隨窈窕珠綴隔玲瓏不及前秋見圓明鳳沼中

奉和相公錦樓玩月得清字

王良會

德星搖此夜珥月滿重城杳靄烟雲色飄飄砧杵聲
令行秋氣爽樂感素風輕共賞千年聖長歌四海清

同前得濃字

柳公綽

此夜年、月偏宜此地逢近看江水淺遙辨雪山重

萬井金風肅千林玉露濃不唯樓上思飛蓋亦陪從

同前得蒼字

張正壹

高秋金風月皓色正蒼々遠水澄如練孤鴻迥帶霜
旅人方積思繁宿稍沉光朱檻叨倍賞尤宜清漏長

同前得來字

徐放

玉露中秋夜金波碧落開鵲驚初泛濫鴻思共徘徊
遠目清光徧高空爽氣來此時陪永望更得上燕臺

同前得前字

崔備

清景同千里寒光盡一年竟天多鴈過通夕少人眠
照別江樓上添愁野帳前隨侯恩未報猶感夜珠圓

同前得秋字

四時皆有月一夜獨當秋照曜初含露徘徊正滿樓
遙連雪山淨迥入錦江流願以清光末年々許從游

訓太祝兄中秋夜望月見懷 元衡

坐愛圓景滿况兹秋夜長寒先生露草夕韻出風篁
地遠驚金奏天高共鴈行如何北樓望不得共池塘

一作不及在池塘

中秋夜聽歌有贈

此夕來奔月何時去上天備雲鬢方自照玉腕更呈
鮮度燕婉人間意飄飄物外緣公綽上詩裁明月扇歌
素想夫憐元衡秦暗沈荀香久長隨楚夢徧放會當來
彩鳳髣髴逐神仙士政

訓劉公中秋夜對月見懷

權德輿

涼夜清秋半空庭皓月圓動搖隨積水皎潔滿晴天
多病佳期阻深情麗曲傳偏懷賞心處同望庾樓前

中秋夜瑤臺對月絕句

羸女乘鸞已上天仁祠空在鼎湖邊涼風遙夜清秋
半一望金波照粉田

太原和嚴長官中秋夜西山童子上方玩

月寄嚴中丞少尹

歐陽詹

西寺碧雲端東溟白月團年來一夜玩君在半天看
素魄當懷上清光在下寒宜裁濟江什有阻惠連歡
中秋夜卧疾思陸太祝崔法曹登鄭評事

涉西樓因寄

熊孺登

一年祇有今宵月盡上江樓獨病眠寂寞竹窓閑不
閑夜深斜影到床前

中秋夜贈張功曹

韓愈

纖雲四卷天無河清風吹空月舒波沙平水息聲影
絕一杯相屬君當歌君歌聲酸辭且苦不能聽終淚
如雨洞庭連天九疑高蛟龍出沒猩鼯號十生九死
到官所幽居默如藏逃下床畏蛇食畏藥海氣濕
蟄重腥臊昨者州前槌大鼓嗣皇繼聖登夔皋赦書
一日行萬里罪徒大辟皆除徙遷者追迴流者還滌
瑕蕩垢清朝班州家申名使家抑坎軻只得移荆蠻判



司卑官不堪說未免種楚塵埃間同時輩流多上道天
路幽險難追攀君歌且休聽我歌我歌合與君殊科一年
月明今宵多人生由命非由他有酒不飲奈明何

和崔舍人詠月二十韻

三秋端王月今夜出東溟對日猶分勢騰天漸吐靈
未高烝遠氣上霄孤形赫奕當躔次虛徐度杳冥
長河晴散霧烈宿曙分螢浩蕩英華溢蕭疎物象冷
池邊臨倒照簷際送潢經花樹參差見臯禽斷續聆
牖光窺寂寞砧影伴娉婷幽坐看侵戶閑吟愛滿庭
輝斜通壁練秋碎射沙星清潔雲間路空涼水上亭
淨堪分顧免細得數飄萍山翠相凝綠林烟共暮青

過隅驚桂側當牛竟輪停屬思墻霞錦追歡聲縹瓶
郡樓何處望隴笛此時聽右掖連台坐重門限禁局
風臺觀滉漾金砌步青熒獨有虞庠客無由拾落葉

中秋夜望月寄杜郎中

王建

中庭地白樹栖鴉冷露無聲濕桂花今夜月明人盡
望不知秋思在誰家

和元郎中從八月十一至十五夜五首

半秋初入中旬夜已向堦前守月明從未圓時看却
好一分一見傍輪生
亂雲遮却臺東月不許交依次第看莫為詩家先見



境被他龍與作艱難
今夜月明勝昨夜新添桂樹近東枝立多地濕昇床
坐看過墻西寸寸遲
月似圓來色漸凝玉盤盛水欲侵稜夜深盡放佳人
醉直到天明不炷燈
合望月時長望月分明不得似今年仰頭五夜風中
立從未團圓直到圓

中秋夜獨游安國寺山亭院步月李十兄
遲明至寺中乘興聯句

九重城接天花界三五秋分一夜風行聽漏聲雲散
後遙聞天雨月明中廣宣含涼閣近通仙掖承露盤

高世上宮誰問獨愁圍外里清談不與此宵同李益

八月十五日夜桃源玩月 劉禹錫

塵中見月心亦閑況是清秋仙府間凝光悠々寒
墜壯時立在最高山碧空無雲風不起山上長松山
下水群動脩然一境中天高地平千萬里少君引我
昇玉壇禮空遙請真仙官雲輶欲下星斗動天樂一
聲肌骨寒朝霞斂々漸東上輪歌影促猶頻望絕境
良時難再并他年此夕應惆悵

中秋夜半雲開然後玩月書一時之境寄

樂天

半夜碧雲收中天素月流開城邀好客置酒賞清秋



影透衣香潤光凝歌黛愁斜暉猶可玩移宴上西樓
西樓日君常賦詩之所也

中秋月夜玩月

天將今夜月一遍洗寰瀛暑退九霄淨秋澄萬景清
星辰讓光彩風露發晶英能變人間世脩然是玉京

和中書崔舍人中秋夜玩月二十韻

暮景中秋爽陰靈既望圓騰積浮碧海分照接虞淵
迥見孤輪出高從倚蓋旋二儀含皎潔萬象共澄鮮
整御當西陸舒光麗上玄從星變風雨順日助陶甄
遠近同時望晶熒此夜偏運行調玉燭潔白應金天
曲沼疑瑤鑑通衢若象筵逢人尽冰雪遇境即神仙

引素吞銀漢凝清洗綠煙臯禽警露下鄰杵思風前
水是還珠浦山成種玉田劔沉三尺影燈罷九枝燃
象外行無跡寰中影自遷稍當雲闕正未映斗城懸
靜對揮宸翰閑臨璧彩牋境同牛渚上宿在鳳池邊
興掩尋安道詞勝命仲宣從今紙貴後不復詠陳篇
訓樂天中秋夜禁中玩月見寄

元稹

一年秋半月偏深況就青霄極賞心金鳳樓前波漾
漾玉鉤簾下影沉沉宴移明處清蘭路歌待新詞促
翰林何意枚臯正承詔暫然塵

江陰

八月十四夜玩月



猶欠一宵輪未滿紫霞紅
襯碧雲端誰能喚得姮娥
下引向堂前子細看

華陽觀中秋夜招友玩月 白居易

人道秋中明月好
欲邀同賞意如何
華陽洞裏秋壇上
今夜清光此處多

中秋夜禁中獨直對月憶元九

銀臺金闕夕沉沉
獨宿相思在翰林
三五夜中新月
色二千里外故人心
渚宮東面烟波冷
浴殿西頭鍾漏深
猶恐清光不同見
江陵卑濕足秋陰

中秋夜聞崔太員外翰林獨直對酒玩月
因懷禁中清景偶題

秋月高懸空碧外
仙郎靜玩禁闈間
歲中唯有今宵好
海內無如此地閑
皓色分明雙闕傍
清光深到九門關
遙聞獨醉還惆悵
不見金波照玉山



新刊古今歲時雜詠卷第三十

中秋下

中秋月

白居易

萬里清光不可思，添愁益恨遠天涯。
誰人隴外久征戍，何處庭前新別離。
失寵故姬歸院夜，沒蕃老將上樓時。
照他幾許人腸斷，玉兔銀蟾遠不知。

中秋夜湓亭玩月

昔年八月十五夜，曲江池畔杏園邊。
今年八月十五夜，湓浦沙頭水館前。
西北望鄉何處是，東南見月幾迴圓。
臨風一歎無人會，今夜清光似往年。



答夢得中秋玩月見寄

南國碧雲客，東京白首翁。松江初有月，伊水正無風。
遠思兩鄉斷，清光千里同。不知娃館上，何似石樓中。

其夜余在龍門石樓上望月

中秋夜同諸客玩月

月好共傳唯此夜，境閑皆道是東都。嵩山表裏千重雪，洛水高低兩顆珠。清景難逢宜愛惜，白頭相勸強歡娛。誠知亦有來年會，保得清明強健無。

次韻

光彩遍空輪，欲滿青宵映出皎。紅端縱饒喚得姮娥下，引向堂前子細看。

秋暮憶中秋夜與王璠侍御賞月因愴遠

離聊以奉寄

鮑防

前月月明夜，美人同遠光。清塵一以間，今夕坐相忘。
風落芙蓉露，疑餘繡被香。

中秋夜月

裴夷直

去年今夜在商州，還為清光上驛樓。宛是依舊顏
色，自憐人換幾般愁。

同樂天中秋夜洛河玩月二首

清洛半秋懸壁月，綵船當夕泛銀河。蒼龍額底珠皆
沒，白帝心邊鏡乍磨。海上幾時霜雪積，人間此夜管
絃多。須知天地為鑪，意盡取黃金鑄作波。



不熱不寒三五夕晴川明月正相臨千珠競沒蒼龍
領一鏡高懸白帝心幾處淒涼綠地遠有時惆悵值
雲陰何如清洛如青晝共見初升又見沉

中秋夜君山臺望月

李涉

大堤花裏錦江前詩酒同游四十年不料中秋最明
夜洞庭湖上見當天

中秋夜玩月

姚合

亭、千萬里三五復秋中此夕光應絕當時思不同
九霄微有露四海靜無風惆悵送巡別誰能看碧空

中秋夜洞庭圓月

素月閑秋景騷人沉洞庭滄波正澄霽涼葉未飄零

練彩凝段芙蓉容靜杳冥曉棲河畔鶴宵映渚邊螢
圓彩含珠魄微颺發桂馨誰憐採蘋客此夜宿孤汀

中秋玩月

張祜

碧落桂含姿清秋是素期一年逢好夜萬里見明時
絕域行應久高城上更遲人間繫情事何處不相思

中秋夜杭州玩月

萬古太陰精中秋海上生鬼愁緣辟照人愛為高明
歷、華星遠霏、薄暈縈影流江不盡輪曳谷無聲
似鏡當樓曉如珠出浦盈岸沙全借白山木半含清
小檻循環看長堤蹋陣行殷勤未歸客烟水夜來情

中秋夜玩月時在義林寺

許渾



待月東臨月正圓
廣庭無樹草無烟
中秋雲靜出滄海
半夜露寒當碧天
輪影漸移金殿外
鏡光猶挂玉樓前
莫辭達曙殷勤望
一墮西岬又隔年

中秋夜寄大梁劉尚書公省月尹徐

汴人迎拜洛人留
虎豹旌旗擁碧油
刁斗嚴更軍耳目
戈鋌長控國咽喉
柳營出号風生盡
纛蓮幕題詩月上樓
應念散郎千里外
去年今夜醉膺舟

中秋夜對月 馬戴

陰魄出海上望王之增
苦吟冷搜驪頰重
寒徹蚌胎深
皓氣籠諸夏清光射
万岑悠然天地内
皎潔一般心

中秋月 朱慶餘

自古分功定唯應缺又盈
一宵當皎潔四海盡澄清
靜覓風微起寒過雪乍傾
孤高希此遇吟賞倍牽情

中秋玩月 无可

蟾宜天地靜三五對塔
螢照耀超諸夜光芒掩眾星
影寒池更澈露冷樹銷青
枉值中秋半長乖宿洞庭

中秋夜隴州徐常侍座中詠月

隴城秋月滿太守待停歌
典鶴來松抄開烟出海波
氣籠星欲盡光滿露初多
若遣山僧說高明不可過

中秋江驛示韋益

莫惜三更坐灘銷萬里情
同看一片日俱在廣州城
淚逐金波滿魂隨夜鵲驚
支頤鄉思斷無語到雞鳴

中秋越臺看月

海雨洗烟埃月從空碧來水光籠草樹練影掛樓臺
皓耀迷鯨口晶熒失蚌胎宵分僂欄望應合見蓬萊

中秋月彩如畫寄上南海從翁侍御

海靜天高景氣殊鯨睛失彩蚌潛珠不知今夜越臺
上望見瀛州方丈無

中秋夜君山脚下看月

洶湧吹蒼霧朦朧吐玉盤兩師清滓穢川后掃波瀾
氣射繁星滅光籠八表寒來驅雲漲晚路上碧霄寬
情耀遊何在蟾蜍食漸難棹飛銀電碎林映白虹橫
水魄連空合霜輝墜樹乾夜深高不動天下仰頭看

中秋夜南樓寄友人

海月出白浪湖光射高樓朗吟無綠酒賤價買清秋
氣冷魚龍寂輪高星漢幽他鄉此夜客對酌幾多愁

中秋玩月

劉得仁

塵裏兼塵外皆期此月明一年唯一度長恐有雲生
露洗微埃盡光濡是物清朗吟看正好惆悵又西傾

中秋宿鄧逸人居

偶與山僧宿吟詩坐到明夜涼耽月色秋渴漱泉聲
礧木如竿聳窻雲作片生白衣閑自貴不揖漢公卿

中秋旅懷

尚能

所畜惟騷性兼能固得窮望鄉連北斗聽雨帶西風



稼穡材坊遠烟波路徑通宜搜清絕句恰似有神工

中秋夜月

僧栖白

尋常三五夕不是不嬋娟及到中秋半還勝別夜圓
清光應有露皓色更無烟自古人皆玩年來更一年

中秋夜寄李溟

薛能

滿魄斷埃氛牽吟並舍聞一年唯此夜到曉願無雲
待賞從初出看行過二分嚴城亦已閉悔不預期君

中秋旅舍書懷

卷盡庭雲月逗空一方秋色草鳴虫是時兄弟正南
北黃葉滿堦來去風

中秋夜玩月

劉滄

中秋朗月靜天河烏鵲南飛客恨多寒色滿窓明枕
簾清光疑露拂烟蘿桂枝斜漢流靈魄蘋葉微風動
細波此夜空亭聞木葉兼葭霜磧鴈初過

中秋夜不見月

元稹

蟾輪何事色全微賺得佳人出繡幃四野霧凝空寂
寞九霄雲鎖絕光輝吟時得句翻停筆玩處臨樽却
掩扉公子倚欄猶更望懶尋紅燭草堂歸

中秋月直林苑

鄭畋

禁署方懷忝綸閣已再加暫來西掖路還整上清槎
恍惚歸丹地深嚴宿絳霞幽襟聊自適閑弄紫薇花
荆渚中秋夜值雨寄李嶼 鄭谷

共待輝光夕翻成暗淡秋正宜清路望潛起滴堦愁
棹倚袁宏渚簾垂庾亮樓桂無香實落蘭有露花休
玉漏添蕭索金樽阻獻酬明年佳景在相約會神州

中秋夜畏鄭延美有作

孫緯

中秋中杪月世說習妖精顧兔雲初蔽長地誰與勅
未追良友玩安用玉輪盈此意人誰諭裁詩寄禁城

天竺寺中秋夜桂子

皮日休

玉顆珊珊下月輪殿前拾得露華新至今不會天中
事應是常娥擲與人

次韻

陸龜蒙

霜實常聞秋半夜天台天竺墮雲空落一十餘日方止如

何兩地無人種却是湘灘是桂林

中秋夜寄友生

秋來一度滿重見色難齊獨坐猶過午同吟不到西
踈芒唯斗在殘白合河迷更憶前年望孤舟泊大溪

中秋殘月

轉缺霜輪上轉遲好風偏似送嘉期簾斜樹隔情無
限燭暗花殘坐不辭最愛笙調聞北里漸看星澹失
南箕何人為校清源力未減初圓欲半時

中秋夜林示直偶書寄同職

吳融

中秋好月竟相尋獨入非烟宿禁林曾恨人間千里
隔更堪天上九門深明涵太液魚龍定靜鑠圓靈象

緯沉目斷枚臯何處在欄干十二憶登臨

中秋夜陪熙周學士禁中玩月

月圓年十二秋半每逢陰此夕無纖霽同君直禁林
未高知海闊當午見宮深衣似繁霜透身疑積水沉
遭逢陪視草歸去憶抽簪太液池南畔相期到曉吟

中秋禁直

韓渥

星斗踈明禁漏殘紫泥封後獨憑欄露和玉屑金盤
冷月射珠光貝闕寒天襯樓臺籠苑外風吹歌管下
雲端長卿只為長門賦未識君臣際會難

中秋夜月

李頻

陰盛此宵中多為雨與風坐無風雨至共看雪霜同

抱濕離遙海傾寒向迥空年年不可值還似道難通

中秋對月

秋分一夜亭陰魄最晶熒好是生滄海徐看歷杳冥
層空疑洗色萬怪想潛形他夕無相類晨雞不可聽

中秋月

李洞

四十五秋宵月分千里毫冷沉中嶽短光溢大河高
不寐清人眼移栖濕鶴毛露華臺上別愁望一年勞

中秋對月

曹松

無雲世界秋三五共看蟾盤上海涯直到天頭天盡
處不曾私照一人家

中秋月

九十日秋色今秋已十分孤光吞列宿四面絕微雲
衆木排踈影寒流疊細紋遙望丹桂心緒更紛紛

中秋夜同知己看月

秦韜玉

常時月好賴新晴不似年々此夜生初出海濤疑尚
濕漸來雲路竟偏清寒光入夜虵龍起靜色均天鬼
魅驚豈獨坐中堪仰望孤高應到鳳池明

中秋月

裴說

一歲幾盈虧當盈重此期幸無偏照處剛有不明時
色淨雲歸早光寒鶴睡遲相看吟未足皎皎下踈籬

中秋夜戲詠顧道流

孫蜀

不那此身偏愛月等閑看月即更深仙翁每被常娥

使一度逢圓一夜吟

中秋夜有懷

許榔

趨馳早晚休一歲又殘秋若只如今日何難致白頭
滄波歸處遠旅食向邊愁賴見前賢說窮通不自由

中秋夜不見月

羅隱

陰雲薄暮上空虛此夕清光已破除只恐異時開霽
後玉輪依舊養蟾蜍

中秋

司空圖

閑吟清景外萬事覺悠悠此際若無月一年虛過秋

新刊古今歲時雜詠卷第三十一

今詩

中秋上

中秋見月寄東坡

黃門

西風吹暑涼一作天益高明月耿耿一作分秋毫彭城閉門

青嶂合夜遠聽百步鳴飛濤使君携客登燕子月色

着人冷如水筵前不設鼓與鍾處處笛聲相應起浮

雲卷盡流金丸一作須臾漸戲馬臺西南山榭蟠杯中綠

酒一時盡衣上白露三更寒扁舟明目浮古汴一作明月

浮古回首逡巡一作不知陵谷變河吞巨野入長淮城浸沒

黃流只三版明年築城城似山伐木為堤堤更堅黃



樓未成河已退空有遺蹟令人看城頭見月應更好
河流深處今生草州人行樂子孫幸免魚鱉食歌舞聊
寬使君老南都從事老更貧羞見青天月照人飛鶴
投籠不能出曾是彭城坐中客

和黃門韻

東坡

明月未出群山高瑞光千丈生白毫一杯未盡銀闕
涌亂雲脫壤如崩濤誰為天公洗眸子應費明河千
斛水遂令冷看世間人照我湛然心不起西南大星
如彈丸角尾奕奕蒼龍蟠今宵注眼看
不見更許螢
火爭清寒何人艤舟臨古汴千燈夜作魚龍變曲折
無心逐浪花低昂赴節隨歌板是夜賈客舟中放水燈青熒滅沒轉

前山浪颭風迴豈復堅明月易低人易散歸來呼酒
更重看堂前月色愈清好咽咽寒蟬鳴露草卷簾推
戶寂無人窓下唧啞惟楚老近有一孫南都從事莫羞
貧對月題詩有幾人明朝人事隨日出恍然一夢瑤
臺客

和中秋月三首

殷勤去年月澌灩古城東憔悴去年人卧病破窓中
徘徊巧相覓窈窕穿房櫳月豈知我病但見歌樓空撫
枕三歎息扶杖起相從天風不相哀吹我落瓊宮白露
入肝肺夜吟如秋蟲坐令太白豪化為東野窮余年
知幾何佳月豈屢逢寒魚亦不睡竟夕相唵喁



六年逢此月五年照離別中秋有月凡六年矣唯歌君別

時曲滿坐為淒咽留都信繁麗此會豈輕擲鎔銀百

頃湖挂鏡千尋闕三更歌吹罷人影亂清樾歸來北

堂下寒光翻露葉喚酒與婦飲念我向兒說豈知衰

病後空盞對梨栗但見古河東麴麥如鋪雪欲和去

年曲復恐心斷絕

舒子在汶上閉門相對清舒煥試舉人鄆州鄭子向河朔鄭僅赴北

孤舟連夜行頓子雖咫尺今日得趙果卿書猶余記在試舉人趙子

寄書來水調有餘聲東武中秋所作水調歌頭悠哉四子心

共此千里明明月不解老良辰難合并回頭坐上人

聚散如流萍嘗聞此宵月萬里同陰晴旅人史生為余言嘗見海賈云中

有月則是歲珠多而圓賈人常以此候之雖相去萬里他日會合相問陰晴無不同者天公自著意此會那
可輕明年各相望俯仰今古情

八月十七日天竺二山送桂花分贈元素

月缺霜濃細蕊乾此花元屬桂堂仙鷲峯子落鶻前

夜蟾窟枝空記昔年破裊高僧憐耿介練裙溪女鬪

清妍願公採擷紉幽佩莫遣孤芳老澗邊

孔周翰嘗為仙源令中秋夜以事留於東

武官舍時陳君榮古任君建中皆在郡其

後十七年中秋周翰持節過郡而二君已

亡感時懷舊留詩於壁又其後五年中秋
軾與客飲于超然臺上聞周翰乞此郡客

有誦其詩者乃次其韻二篇以為他日一笑

壞壁題詩已五年故人風物兩依然定知來歲中秋

月又照先生枕麴眠

又邀明月說明年記取孤高孟浩然此去官游如傳

舍棟枝驚鵲幾時眠

中秋

暮雲收盡溢清寒銀漢無聲轉玉盤此生此夜不長

好明月明年何處看

予十八年前中秋與子由觀月起城作此詩以陽

關歌之今復過此夜宿於贛上方南遷山嶺表獨歌此

曲復書之以識一時之事雖未竟有今夕之悲但

懸知為它日之喜也

八月十五日看潮

定知玉兔十分圓已作霜風九月寒寄語重門休上

鑰夜潮留向月中看

和世弼中秋月下詠懷

黃魯直

一年中秋最明月也照貧家門戶來清光適從人意

滿壺觴政為詩社開秋空高明萬物靜此時乃見天

地性廣文官舍非吏曹況得數子發嘉興千古風流

有詩在百憂坐忘知酒聖露華侵衣寒耿耿絕勝永

夏處深甌人生此歡良獨難夜如何其看斗柄王生

俊氣橫九州樽前為予商聲謳松烟洒落成珠玉溪

藤卷舒爛銀鈎北門樓鹵地險壯金堤濁河天上流
離宮殿閣礙飛鳥霸業池臺連禿鷲當日西園湛清
夜冠蓋追隨皆貴游使臣詞句高突兀抗慨悲壯如
曹劉我於人間觸事懶身世江湖一白鷗空餘詩酒
興不淺尚能呻吟卧糟丘偶然青衫五斗米奪至黃
柑千戶侯永懷丹楓樹微脫洞庭瀟湘晚風休晴波
上下掛明鏡棹歌放船空際浮不須乞靈向沈謝清
興自與耳目謀江山於人端有助君不見至今宋玉
傳悲秋期君異時明月夜把酒岳陽黃鶴樓

和舍弟中秋月

高秋搖落四十五清都早霜凋桂叢纖塵不隔四維

淨寒光獨照萬象中少年氣與節物競詩家酒聖難
爭鋒植伊老驥四千里尚能三弄當清風廣文陋儒
嬾於事浩歌不眠倚梧桐百憂生火作內熱何時心
與此月同後生晚出不勉學從漢至今無揚雄天馬
權竒大宛種吾家阿熊風骨聳言詩已出靈運前後
身未聞孟軻勇明窓文字不取讀蜘蛛絲網塵堆壅
少壯幾時夏已秋待而成人吾木拱憐汝起予秋月
篇我衰安得筆如椽但使樽中常有酒不辭坐客更
無檀把書問字為汝說便當侯家歌舞筵

八月十四日夜刁坑口對月奉寄子難子

聞適用

聞郡中數月未嘗有燕游



去年對月廬陵郡醉留歌舞踏金沙今年今夕千峯
下新磨古鑿動菱花寒藤老木被光景深山大澤皆
龍蛇西風為我奏萬籟落葉起舞鶻棲鴉遙憐城中
二三友風流慣醉玉釵斜今夕傳杯定何處應無二
十四琵琶

中秋日池亭宴集呈席上諸公

文忠公

樽前逢佳節簪纓奉宴居林光拂衣冷雲影入池虛
酒色風前綠蓮香水上踈飛談交玉麈聽曲躍文魚
粉籜春苞解紅榴夏實初睢園多美物罷賦謝相如
伏承寵示八月十五日齋宮對月嘉篇謹

依韻和

皓月三川靜晴氛萬里銷靈光望日滿寒色入波搖
顥氣成山霧浮雲蔽雨苗廟荒陰燐出苑廢露雲飄
齋館心方寂秋成夜已遙清談對元亮瓊彩映蕭

八月十五日宿南園懷君貺 温公

昔公在洛師未嘗棄嘉節今宵秋半分空羨西園月
天色湛澄清風聲冷騷屑笑言不可親引領望金闕
賴有篋中詩端居數披閱

謝君貺中秋見招不及赴

不待庾公宴月華虛四秋幸逢東閣開又阻西園遊
清輝散廣坐孤影隨行舟蓑衣如未歸志願終可酬



八月十五日夜陪留守宣徽登西樓值雨
待月久不見

經歲待佳節無如陰霽何果然時雨足安用月華多
未免銀缸進空聞玉漏過庾公興不淺久為駐鳴珂

和楊卿中秋月

秋氣平分夜沈陰乍散天窺林初淡薄照席忽孤圓
冷入詩毫健光浮醉弁偏嘉賓勿輕去桂影正娟娟

八月十五日夜寄友人

故人音信絕對月動相思清露滴紅葉此懷當告誰
秋風廣陵郭正是望濤時

中秋陪張龍圖燕射堂初夕陰雲酒行頓

解喜而成詠

飛蓋共徘徊西園高宴開秋雲惜明月留待庾公來

陪友人中秋夕嘗月

王介甫

海霧看如洗秋陽望却昏光明疑不夜清瑩欲無坤
掃掠風前坐留連露下樽苦吟應到曉况有我思存

中秋夕寄平甫兄弟

浮雲欲盡數秋毫燭燭金波滿酒醪千里得君詩挑
戰夜壇誰敢將風騷

八月十五夜有懷

梅聖俞

天為水蒼玉月掬潭面冰萬里絕瑕玷百丈已澄凝
山河了然在星斗光莫增借問九州內豈無陰雲興



紆懷去年秋是夜客廣陵太守歐陽公預邀三四朋
乃值連連雨共飲陳華燈既醉公有詠屬和予未能
強賦石屏物固慙無所稱今來宛溪上聊以故歲徵
晶明正若此霖霖且何曾羨景信難并康樂語足憑

中秋月下懷永叔

有朋無明月秉燭光強致有月無樂朋獨酌顏易醉
往年過廣陵公欣來我值期玩秋蟾圓靜掃庭下地
復邀高陽公賸作詩準備特特乃多違後池風雨至
一夜看石屏但吟無逸氣今宵皓如晝千里嗟離異
固知理難并把酒遙相寄

當時出月
石屏同詠

八月十五日夜東軒

隔竹已見月清光度谿來移影上素壁與我相徘徊
是夜正中秋天地霧露開人疑玉兔出藥杵不生埃
常娥倚冰輪艷色若自媒它夕豈不好物意為之摧
依韻和歐陽永叔中秋邀許發運
看取主人無俗調風前喜御夾衣涼競邀三五最團
魄知比尋常特地光艷曲旋教應可聽秋花雖種未
能香曾非惡少休防准眾寡而今不易當

和永叔中秋夜會不見月酬王舍人

主人待月敞南樓淮雨西來斗變秋自有嬋娟侍賓
榻不須迢遞望刀頭池魚暗聽歌聲躍蓮的明傳酒
令優更愛西垣舊詞客共將詩興壓曹劉



中秋新霽壕水初滿自城東隅泛舟迴

謝公命賦時余將赴襄城

齋舫談經後官池載酒行斜陽鳥外落新月樹端生
演漾思江浦夷猶繞郡城東轅有遺恨日日物華清
中秋與希深別後月下寄

薄霧生寒水寥、艤畫舫人傷千里別桂吐十分圓
把酒非前夕追懽憶去年南樓足佳興好在謝臨川

依韻和通判八月十五日夜玩月二章

尋常圓魄豈不好競愛今宵分外明、極只知無隔
礙誰言桂樹向中生
一年一見最堪惜百歲百夕能幾多縱有明年似今

夕明年同會復如何

中秋不見月

天嫌物兼美而使密雲藏已尚石屏見何須照席光
中秋無十日作詩戲呈希古年兄

張文潛

放逐江湖一釣舟蕭條故國又逢秋炎涼有信來如
舊歲月相催逝不留日落千蛩喧戶牖風高一鴈下
汀洲地無積潦蟾華好誰買新醪作夜游

近中秋

姮娥藥熟桂華新滿貯清光待出雲徐御冰輪行碧
落世間多少感秋人



十五夜月

陳無已

向老逢清節歸懷託素暉
飛螢元失照重露已霑衣
稍稍孤光動沉沉衆籟微
不應明白髮似欲勸人歸

中秋夜東剎贈仁公

盈盈秋月不餘分
葉露懸光可數塵
此地正須煩一笑
要令排戶問東隣

依韻和伯鎮中秋見月九日遇雨之作

蘇子美

衆皆愛春發枯莢我知惟動
男女懷天地昏酣醉夢
裏人有爽思皆沉埋豈如秋風
勁利劇刀劔刮破天
膜清光開衰根危帶埽除盡
辨別松竹并蒿萊青娥

供霜洗夜月兼以皓露驅塵埃
常年此夕或陰晦今
歲澄徹時快哉是時呼賓賞此景
漸見照我白玉盃
清輝向人若有意經歷窓戶猶徘徊
放歌狂飲不知
曉爛漫酌客山嶽頽時節飄流
晦朔轉已竟九日來
相催北軒隙地破蒼鮮帶花移得
黃金裁倒冠露頂
坐狂客擷香咀蘂浮新醅最憐
小雨灑踈竹爽籟颭
颭吹醉顛君時傳詩頗精麗意若
泥淖不得來開緘
文采自飛動欲和但愧頑無才
久之黽勉強為答
嫌春愛秋真可哈

中秋夜吳江亭上對月懷前宰張子野及
寄君謨蔡文



獨坐對月心悠悠故人不見使我愁古今共傳惜今夕況在松江亭上頭可憐節物會人意十日陰雨此夜收不唯人間重此月天亦有意恰中秋長空無瑕露表裏拂拂漸上寒光流江平萬頃生碧色上下清澈雙壁浮自視直欲見筋脉無所逃遁魚龍憂不疑身世在地上祇恐查去觸斗牛景清境勝反不足歎息此際無交游心魂冷烈曉不寢勉為筆此傳中州

中秋松江新橋對月和柳令之什

月晃長江上下同畫橋橫截冷光中雲頭艷、開金餅水面沈沈卧綵虹佛氏解為銀色界仙家多住玉華宮地雄景勝言不尽但欲追隨乘曉風

中秋三夕對月

三夕月俱好清光唯望多風應落桂子露恐減金波念昔歡娛極如今羈旅何窮居不相棄夜夜伴吟哦

和解生中秋月

不為人間意居然節物清銀塘通夜白金餅隔林明醉客樽前倒棲烏露下驚悲歡今古事寂、墮荒城

中秋夜寄克道運使

張無盡

不見柯山客中秋月又圓夜分清滴露天末淡收烟念遠情非俗凌虛骨欲仙素琴明此恨相與對嬋娟

中秋望夕不見月

宋景公

異時涼月好常尔惜嚴更此夜浮雲惡胡然溷太清



心孤王粲續業對景山鎗海蚌猶能滿城烏更不驚
裴回循北牖暗淡倚西楹蛩杼逢時急缸花得閣明
桂高應自秀蟾遠太無情坐想瑤輪轉孤懷悵未平

中山中秋對月

圓期壓秋半飛影破雲端明極番無夜清餘遂作寒
桂繁團露濕輪駛度河乾且置窮邊思何殊故國看

中秋夜不見月二首

天上浮雲不肯歸馮軒坐惜桂華西一年此夕無窮
恨只是城鷓得穩棲
萬里重陰晦玉輪兔孤蟾遠託霄垠世間未必皆同
恨亦有居心不靜人

八月望夜不見月有感二首

素波涼暈淡曾城悵悵三年此夜清在淮南二年逢中秋俱不見月獨捲
踈帷成默坐暗蟲相命作秋聲
九旻含爽助清輝萬里重陰誤賞期正恨浮雲無意
緒世間偏惱最明時

八月十四夜月

范仲淹

光華豈不盛賞宴尚遲遲天意將圓夜人心待滿時
已知千里共猶訝一分虧來夕如澄霽清風不負期

依韻酬葉道卿中秋對月二首

天遣今宵無寸雲故開秋碧掛冰輪詩人不悔衣露
露為惜清光豈易親

孤光千里與君逢。最愛無雲四望通。處處樓臺競歌宴的能愛月幾人同。

中秋口號

秦太虛

雲山簷楯培低空。公宴初開氣鬱葱。照海旌幢秋色裏。激天鼓吹月明中。香槽旋滴珠千顆。歌扇驚圍玉一叢。最二十四橋人望處。群仙正在廣寒宮。

丙寅中秋詠月

晏殊

玉簫秋初半。冰輪歲有期。苦吟含翰久。清宴下樓遲。鴈怯波光動。蛩愁葉影危。烘簾頻卷押。溫耐旋凝澌。皎外蟾生滴。寒中桂有枝。星文藏熠燿。露彩見華滋。苑靜疎螢濕。巢空驚鶴移。漸穿鳴瑟幌。偏鑒讀書帷。

濛谷徙催曉。纖阿莫放霏。陳王收妙舞。疑待仲宣辭。

次韻和王校勘中秋月

廣寒仙署愜心期。秋半梧臺木葉稀。有客正吟星北共。何人重賦鵲南飛。光含綺席傳三雅。影逗蘭房撒九微。趨府逸才過鮑掾。不辭終夕賞清暉。

中秋月

與通判徐仲謀誰縣李宗易將作監主簿張彭同賦

三十六旬內。此時心賞并。中分九秋夜。占斷百宵明。冷照蘭閨澈。光含綺席清。誰知滄海曲。珠蚌最盈盈。

中秋月

一輪霜影轉庭梧。此夕靄人獨向隅。未必素娥無悵恨。玉蟾清冷桂華孤。



同前

雍學士

天時與人意齟齬舊白無疑坐久翻遺恨光來已後期
行雲凝黛色見跋費金枝況復輸來夜笙歌繼夕曦
次韻師白中秋會飲且餞余北行

韓子蒼

樓高應在日輪邊目盡西山萬里天擬見謫
仙歸貝闕翻愁快馬踏瓊田詞鋒易破孤虛
陣酒令難欺賞罰權放盞成空君勿歎明年
千里共嬋娟

新刊古今歲時雜詠卷第三十一

新刊古今歲時雜詠卷第三十二

今詩

中秋下

中秋月二首

王禹偁

何處見清輝。登樓正午時。莫辭終夕看。動是隔年期。
冷濕流螢草。光凝宿鶴枝。不禁雞唱曉。輕別下天涯。
明可鑑秋毫。供吟屬我曹。隔年方得見。終夕敢辭勞。
冷向天心白。清臨露掌高。霜臺相照處。寒色滿藍袍。

中秋待月夜分乃見

范相公百禄

十二周流數經行自不遲長圓非物理暫晦亦天時人
欲終宵玩雲纜逐簇移祗應逢此景無足累心期



中秋月夜

林學士

玉露金風滿桂枝清光因此更華茲一年月色最明
夜千里人心共賞時萬古傳為新景象幾人能出舊
歌詩吟觀莫厭終遙夜來歲如今再一期

中秋不見月

戴朝議

誰上青冥掃晦霾桂華遼望獨徘徊
杯試問杳無所對景欲歌終不來
肅氣乍浮三五夜騷人在費幾
多才明年會有清輝在猶此遲疑徧繞苔

中秋月

六幕淨如水空騰海一波輝增金氣
王園肖玉規多極滿抵如此將傾
誰奈何向明若霜皎今古暗消磨

中秋待月通夕陰晦偶書

吳給事中復

待月西樓上平秋氣象分輝光唯此夜
遮掩奈浮雲紅燭燈交爛清香篆自薰
明年好景在何處會多聞

中秋待月同賦

何宗正

金波未見吐雲端已覺消森夜氣寒
桂子人間空杳杳冰輪天外想團團
宮袍詞客方裁詠錦瑟家人且侑歡
不減風流庾公興登樓誰復畏盤散

中秋月

楊學士繪

素月玉寒空乾坤灝氣通光華一夕滿
節候九秋中萬里天衢峻四方人望同
妖邪無處匿方顯照臨功

中秋感懷二首

宋白



去年今夜此堂前。人正清歌月正圓。今夜愁來人且散。不如雲霧蔽青天。雪彩冰光似去年。去年人月兩嬋娟。今宵不辨連明坐。併醉抽身黑處眠。

中秋夜醉

醉過中秋夜。慵招七步才。月華翻有意。白入小窗來。

中秋月

陶崇儀

四時三五月。皆圓誰道孤。光此夜偏涼。樹暖花清雪。上素娥。姿質不嬋娟。

中秋

錢易

天慄嚴霜厚。神清宿雨微。枝空蟬擬脫。巢冷燕謀歸。

白日蓮塘夢。紅紗水國衣。錦書知未了。軋軋弄鳴機。

中秋夜守讓南廳玩月

秋氣元清切。羽蟾千里心。金盤上河側。玉水浸樓陰。閨怨有消歇。客愁無淺深。閑山今夜裏。星斗共沈沈。

中秋館宿

劉筠

餘歡驚社過。是月命社。獨直奈宵長。月向蓬山滿。風來桂殿涼。睡輕同警鶴。吟苦伴啼螿。耿耿迷遙思。殘星下建章。

中秋夜不見月

孫復

長記去年中秋玩。月出草堂冰輪直。可鑑毫芒是時家。釀又新熟呼童開。席羅清觴纖埃不起。零露下對



此陶陶樂未央自願如逢堯舜世上下清明無穢荒
吁嗟今夕何不幸正逢屏翳恣猖狂浮雲左右爭擁
蔽愛而不見涕沾裳常娥無語縮頭何處坐胡不開
口走訴上帝旁立召飛廉舉其職驅除擁蔽揚清光
瑩然高照遙天外免教萬國如瞽空悵悵

中秋月歌

明月一歲中影圓十二回如何今夕裏爭賞羅樽壘
既愛盈盈色更上高高臺人心莫知此試為君言哉
月者水之精秋者金之氣金水性相生五行分其事
則知天地間相感各以類水得金還盛月因秋更清
氣頻使之然人誰不有情可憐別夜色一一皆銷聲

自昔詩家流吟皆不到此徒能狀光彩豈解原終始
冥搜詎有得燥吻真何以請看退翁歌其的深中矣

中秋月

度度思真賞幽期邈始還金行分此夜桂子落何山座
席清風裏人家顥氣間飲懷與吟興徹曙兩非閑

同范秘閣賦八月十四日夜月

銀漢無聲露暗垂玉蟾初上欲圓時清樽素瑟宜先
賞明夜陰晴未可知

又賦十五夜月

清賞年年恐失期人人不覓望中衰素娥須信多靈
藥長見嬋娟似舊時



中秋月

十二度圓皆好看就中圓極在中秋前峯獨上還吟
玩高興多於庾亮樓

中秋月夜席上作

李待制

宴張東閣賓方盛雨過西樓晚竟寒涼夜清暉雲乍
歛中秋嘉氣月初圓誰人解飲千鍾酒開口能談數
刻歡但外形骸求醉倒任他紅粉笑蹒跚

同前

張左藏

夜長蟋蟀青燈苦歲晚蒹葭白露寒陶守齋中新酒
熟庾公樓上舊蟾圓不知客右誰同樂無奈漳濱獨
湛歡此夕任他紅粉道深藏辟笑足盤散

中秋月

許棠

月月勢皆圓中秋即最偏萬方期一夕到曉是經年
影蔽星芒耀光分物狀全唯因吟苦者目斷向遙天

同前

潘綽

古今逢此夜共異沉寥明豈是月華別祇應秋氣清
影當中土正輪對八荒平尋客徒留望璿璣自有程

同前

可明

登樓仍喜此宵晴圓魄纔觀思便清海面乍浮猶隱
映天心高挂最分明片雲想有神仙出迥野應無鬼
魅行曾向洞庭湖上看君山半露水初平

同前

李堯夫

唐人



樓禽疑晝向空飛
林麓虛明水大肥
萬國仰瞻當此夕
片雲爭合閉清輝
群妖始覓神通小
列宿應慙照耀微
遠曙何人最閑念
庾公樓上獨忘機

同前

許晝

應是蟾宮別有情
每逢秋半倍澄清
清光不向此中見
白髮爭教何處生
閑地占將真可惜
幽窻分得始為明
殷勤好長年來挂
莫遣乎人道不平

同前

齊已

空碧無雲露濕衣
衆星光外湧清規
東樓莫礙漸高勢
四海待看當午時
還許分明吟皓魄
肯教幽暗取丹枝
可憐半夜嬋娟影
正對五侯殘酒池

同前

高河瑟瑟轉金盤
歛露吹光逆凭欄
四海魚龍精魄擬
五山鸞鶴骨毛寒
今宵盡向圓時望
後夜誰當缺處看
何事清光與蟾兔
却教天子少留難

同前

方干

涼宵烟靄外
三五玉蟾秋
列野星辰正
當空鬼魅愁
泉澄寒魄瑩
露滴冷光浮
未折青青桂
吟看不忍休

中秋遇雨感懷呈世澤彥直

唐子西

初遊東都年二十
清懽趁得中秋及
高陽會中酒徒集
惠和坊裏綉鞍入
解蟹螯嘗新左手
執雞頭未老槎

玉粒盃行到手不待揖明月清風供一吸纏頭不惜
傾箱給倚賴決科如俯拾誰知得官反拘執此景此
懽那復緝今歲中秋雨如泣窮山牢落秋光濕孤燈
熒澹照書爨屈指流年如箭急

八月十五夜月

應緣人望望故作出遲遲幾歲一相見浮雲幸別時吟
拚雞臙膊玩竟兔迷離此夕登樓興非閑有所思

次韻張子文中秋夜月

韓子蒼

平湖下明月湛如奩濕銀遙憐鍾陵客卧看繁臺雲
我欲故山去向來車已巾淹留屬中秋願愁愁單身
停盃問青天誰駕此玉輪分光到蓬屋殷勤月夫人

張郎嗜讀書佔畢聞比隣胡為歎今夕長歌擊匏尊
似君豈終窮努力逢休辰它年和此唱寄我東南垠

八月十四日夜作

三更欲眠燈掛壁被冷何曾雙脚直西風一鴈枕中鳴
令我下床三歎息君莫悲秋且自悲朱顏白髮來相
隨天公造作悲懽事要令百歲如狂癡達人觀無
不可豈合坐受天公欺我慙無處看明月一掌荒庭
秋草沒去年憶上黃神山笑看萬里清光發

八月十五日夜小雨同二弟作

去年看月思君處醉後狂歌和影舞今年與君待月
時金樽未盡雨催詩樂事良辰難並有一生費詩仍



費酒君不見綠幕朱簾蠟炬香何須拂地覓孤光

次韻至完中秋日泛湖

崔正言

西湖八月稻花繁孤鳥冥冥下水天卧聽金盤鳴玉

子不知風雨到漁船

世美中孺下碁

西北樓高清潔溼邊一篙秋水淨如天鴛鴦見客移深

渚蛺蝶尋香入畫舫

半空虛閣閑看鳥百頃平湖下瞰天今夜使君歌舞

歇箇中不禁野人舟

是日持國私忘不宴國中

孤花照晚紅歌水萬竹舒空翠拂天欲問西湖分月

色莫交風浪汀蓬舫

彩蠶倭夷過竹西文魴尾尾透清綺一年一夜中秋

好應月停盃問月時

清暑堂中秋夜飲

蔡襄

江國初涼夕漏均青天無翳地無塵蓮花剪綵灯煌
合蕉葉傾金酒味新時節暗遷應不用懽娛難得莫
辭頻明年今夜中庭月依舊寒光照別人

中秋獨坐望月

萬里淒凝魄幽深在處通清流河漢盡寒入水雲空
踰久方全白弥高適正中開書還自捲把酒復誰同
泣葉傳霄露吹衣變暑風更看庭樹影漸過粉墻東

中秋寄姪世材

豹林先生

林葉響金風半黃復半紅微涼蕩殘暑塵氛淨高空



脩然天氣清况復當其中金盤上雲際
蟾彩照清罇玉露凝蘭叢念汝紫半綠
三事嗟何窮大河隔驚波汾水無來鴻
此夕各千里惟將風月同

八月十五夜清溪舟次

浮休居士

清溪水底月團團因見中秋憶去年
早海五更霜透甲柳江萬里桂隨舡
昔看故國光常滿今望天涯勢似偏
祇恐玉娥能笑我還將隻影對嬋娟

和中秋對月

楊齊

素籥中分漏箭遲玉盤飛上絳河涯
自緣人意誇今夜豈是蟾光勝舊時
千里放開天地景一輪題盡古今詩
吳剛樹下遙相許來歲春風此處期

中秋不見月

八月露沈天氣秋霜輪何事苦淹留
一宵老兔不成魄幾處詩人却下楼
水部堦前聞細雨袁宏渚上見歸舟
明年未必无仙桂何用厭二此夜愁

西歸中秋夜宿三泉寄仙之公南

白子儀

日涉征涂信馬前鴻飛時節幾懷賢
青山漸向故園近皓月更臨歸驛圓
四乘光榮慙大子一簞窮陋本顏淵
江臯上客紅蓮幕猶荷明恩未弃捐

景孫八月十四日惠酒

金瓮蘭英見賦時桂輪猶惜一分虧
未知望夜誰同

賞先喜醉鄉今有期飛蓋正懷曹子建登樓何待庾
元規薄帷長簾忘秋只且俵清塵本錄卮

寅卯二年八月十五夜比日不見月

白雲先生

萬里不自照清光隨雨休
有笛悲遙夜無人在遠樓
誰安枕卧相弁夢滄州

玄雲蔽月行

李新

惆悵中秋不見月太陰垂雲兔藏窟我欲上天掃玄
雲桂露團團清冰闕中天放出千里光層樓翠閣遙
相望一盃一盃重相勸今年償汝中秋願上天高高
未由到玄雲愈濃不可掃空庭蠟炬落寒花宮裘起

舞秋風老

中秋夜宿穆陵關

羈旅情懷不自禁清霜歧路馬駸駸一年明月最圓
夜千里故人長別心幸有酒沽除是醉更無人賞又
如陰寒蛩似識風騷意伴我淒淒到曉吟

八月十五日過蓬谿書淨戒寺

瓦冷雲埋殿燈長墨暗紗藥靈閑草木蔓走古龍蛇
石佛隨山老松梯轉路賒門前谿水淺無處問仙槎

中秋月

東溪先生

陽饒陰乏亦常情平日蟾光每忌盈節到陰中今夜
等月乘時王一宵明數成地表群形足

二四大八十陰數也故屬地而成物

物阜人間市價平朱戶只知觀賞樂不知休戚係蒼生

中秋無月

月在青霄以矣未十年今夕九年無也知天把良宵
晦貴使人知此景殊盡燭有光終是俗浮雲無限不
勝誅只饒踐散田文客掌上唯私照乘珠

中秋書事

紅葉秋容動殘蟬暑氣歸朝箱收故扇熨斗帖寒衣
籬窻買棹稍補蔬畦角屑肥斗筲貧活計詩史老光揮

中秋望月

余安行

冰輪今夕是圓時雲掩清輝照我遲賴有金風一披
拂須臾蟾影浸瓊卮

中秋月二首

葛次仲集句

玉露中秋夜徐放亭亭月正圓錢起一霄當皎潔朱慶餘

萬象共澄鮮劉禹錫送別高臺上皇甫冉添愁野帳前

崔備無因駐清景武元衡歌午又明年司空圖

涼夜清秋半權德輿常娥照玉輪李商隱九霄微有露

姚合萬里正無塵貫休氣射繁星滅李羣玉明翻宿鳥

頻杜甫寥寥天地內曹松風景一時新白居易

次韻八月十七日玩月

隴西先生

中秋偶誤團圓月坐恨陰霾障天闕作詩問月月無
言歛放清輝似相答十五夜無月篇輪間桂影豈梅林一
見胡為便忘渴嬋娟姿態自姝好安事鈎草污奩匣

引起登臨俱限人庾公樓下紛車轍沉沉夜色凝寒
水蕩散纖雲無一髮因思漢帝感秋風欲喚郢人歌
白雪俊賞佳期莫輕負人生出處多回沉舉杯邀月
醉則已萬斛牢愁憑 四刺起看蟾華轉玉盤摩空隱
隱何輕滑影落澄江一萬尋魚龍無處逃清徹誰言
暗魄損光暈就欠毫分亦奇絕况我年來百慮消世
味久諳如嚼蠟是非巧叻林下不動聲利癡心會求歌
人言滿面凜風霜自覓才心堅石鐵頗知大道有真
趣不用炎炎熾言說安能効彼兒女情苦對常娥論
圓缺由來衰盛各有理萬變不妨隨曲折吾生斷定
已如此肯使傍人譏作輟龍臺夫子筆如椽親自杜

陵傳妙訣昨宵遺我明月篇開讀端如雖解結誓將
置之白玉床更指霜輪話蠲潔經時不見魯山面今
朝復作河梁別旋搜鄙句答清吟龠合辭源驚易竭
莫嗟形影暫揮散終許心情暗投合重陽待得歸來
乎共訪柴桑陶靖節

中秋前二日

廣平先生

一歲中秋只一迴年前曾記共啣盃蟾光是夕知人
意雲脚多情為我開隔閉幾番經晦朔笑談三月阻
樽壘佳期屈指無多日清賞應須許再陪

中秋不見月

浮雲四合幕秋天萬里丹霄頓黯然渡口袁宏舟未



纜樓頭更亮眼將穿桂華已負經年約鑑影虛沉半
夜圓自是常娥懶粧束捲簾空只待嬋娟

中秋月

貫休

巽雪噴霜滿玉虛王孫公子玩相呼從來天匠為輪
定自是人心此夜殊靜入萬家危露滴清埋衆象叫
鴻孤坐來唯竟情無極何況三湘與五湖

新刊古今歲時雜詠卷第三十三

古詩

重陽上

九日作并序

陶潛

余愛重陽之名秋菊盈園而時醪靡至空眼九華寄
懷於時

世短意恒多斯人樂人生日月依辰至舉俗愛其名
露淒炎風息氣結天象明往鷺無遺影來鴈有餘聲
酒能祛百慮菊解製顏齡如何逢廬士空視時運傾
塵爵耻虛壘寒花徒自榮歛衽獨閑謠緬鴈起深情
棲遲固多娛淹留豈無成



已酉歲九月九日作

靡靡秋已夕淒淒風露調蔓草不復盛園林空自凋
清風澄餘澤遙然天界高哀蟬無歸響叢鴈鳴雲霄
萬化相尋異民生豈不勞自古皆有沒念之使心焦
何以報我情濁酒且自陶千載非所知聊以永今朝
九日從宋公戲馬臺送孔令 謝瞻
風至授寒服霜降休百工繁林收陽彩密苑解華叢
巢幕無留鷺遵渚有歸鴻輕霞冠秋日迅商薄清穹
聖心眷佳節揚鑾戾行宮四筵霑芳醴中堂起絲桐
扶光迫西沉音餘歡宴有窮逝矣將歸客養素克有
終臨流怨莫從歡心歎飛蓬

同前

謝靈運

季秋邊朔苦旅鴈違霜雪淒淒陽卉腓皎皎寒潭潔
良辰感聖心雲旗興暮節鳴葭戾朱宮蘭卮獻時折
錢宴光有孚和樂信所缺在宥天下理吹萬群芳悅
歸客遂海隅脫冠謝朝列弭棹薄枉渚指景待樂闕
河流有急瀾浮駢無緩轍豈伊川途念宿心愧將別
彼美立園道喟焉傷薄劣

侍皇太子九日玄圃宴

四言

齊王儉

秋日在房鴻鴈來翔寥寥清景藹藹微霜草木搖落
幽蘭獨芳春言溜苑尚想濠梁既暢旨酒亦飽微猷
有冬斯悅無遠不柔



九日賦韻

梁簡文

是節協陽數高秋氣已精蟾芝逐月啓帷風依夜清
遠燭成歌黛斜橋聞履聲梁塵下未息共愛賞年并

九日侍宴樂遊苑正陽堂

梁劉苞

上郡良家子幽并游俠兒立乘爭飲羽側騎競紛馳
明珂飾華眊金袍映玉羈膳著殫海陸和齊視秋宜
雲飛雅琴奏風起動簫吹曲終高宴罷景落樹陰移
微薄烝嘉惠飲德良不貲取效績無紀感恩心自知

九日

梁王脩己

霜威始落翠寒氣初令堂隨珠爛似燭縣黎疑夜光

九日酌菊花酒

梁劉孝威

霜花疑始摘羅衣似適薰餘極度不取欲持嬌向君

九日侍宴樂遊苑為西臺侯作

梁何遜

呈德無餘讓重規襲帝勛垂衣化比屋眷顧慎為君
翔飛悅有道卉木荷平分神襟動時豫歲序屬涼氛
城霞朝晃朗槐霧曉氛氲鸞輿和八龍襲鳳駕啓千群
羽觴歡湛露佾舞奏承雲禁林終晚宴華池物色曛
疏樹翻高葉寒流聚細文貝斜迢遞雨風起我峩雲
運偶參侯服恩洽厠朝聞於焉藉多幸歲暮仰遊汾
晴軒連瑞氣飛惹御香芬

九日宴樂遊苑應令

梁庾肩吾

轍跡光周頌巡遊盛夏功鈎陳萬騎轉閭闔九關通



秋輝逐行漏朔氣繞相風戲壽重陽節迴鑾上苑中
疏山開輦道間樹出離宮玉醴吹花菊銀牀落井桐
御梨寒更紫仙桃秋轉紅飲羽山西射浮雲異北駝
塵飛金埒滿葉破柳條空騰猶疑矯箭驚鴈避虛弓
彫才濫杞梓花綬接鸞鴻媿乏天庭藻徒參文雅雄

九日從駕

周王褒

黃山獵地廣青門官路長律改三秋節氣應九鍾霜
射馬垂雙帶豐貂佩兩璜苑寒梨樹紫山秋菊葉黃
華露霏、冷輕飈、傷終慙屬車對空假侍中郎

五言同管記陸瑜九日觀馬射

陳後主

晴朝麗早霜秋景照堂皇幹慘風威切荷彫池望荒
樓高看鴈下葉散覺山涼歇霧含空翠新花濕露黃
飛禽接即影度日轉鉞光連翩北幽騎馳射西園傍
勒移碼碯色鞭起珊瑚揚已同過隙遠更異良弓藏
且觀千里汗仍瞻百步揚非為從逸賞方追塞外羌

衡州九日

隋江總

秋日正淒淒茅茨復蕭瑟姬人薦初醞幼子問殘疾
園菊抱黃華度欄剖朱實昨以著書情暫遣他鄉日

奉和九月九日

賀正

商飈凝素籥玄覽賁黃圖曉霜驚斷鴈晨吹結相烏
塞花低岸菊涼葉下庭梧澤宮甲舊典相圃叶前模



玉砌分雕戟金溝轉鏤衢帶星飛夏筭前映月上軒弧
慶展簪裾洽恩融雨露濡天文發丹篆寶恩掩玄珠
承歡徒聳耳抃負弛竊志軀

九月九日贈崔使君善為

王績

野人迷節候端坐隔簾挨忽見黃花吐方知素序迴
映巖千段發臨浦萬株開香氣徒盈把無人送酒來

同前

崔善為

秋來菊花氣深山客重尋露葉凝涵王風花似散金
摘來還泛酒獨坐即徐斟王弘貪自醉無眼覓楊林

九月九日

九日重陽節三秋季月殘菊花催晚氣萸房避早寒

霜濃鷹擊遠霧重鴈飛難誰億龍山外蕭條邊興闌

九月九日

唐高宗

端居臨玉辰初律啓金商鳳闕澄秋色龍闈引夕涼
野淨山氣歛林疎風露長砌蘭虧半影巖桂發全香
滿蓋荷彫翠圓花菊散苗揮鞭爭霓烈飛羽亂星光
柳空穿日碎弓虛側月張怯猿啼落地鶻鴈斷分行
斜輪低夕景歸旆擁通莊

奉和九月九日應制

許敬宗

爽氣申時豫臨秋肆武功太液勞光發曾城佳氣融
繁霄宵寒暑麗黃山極望通講藝遵先軌覩德暢宸衷
鷺嶺飛夏服娥魄亂雕弓汗浹鑿旒赭塵生埒散紅



飲羽驚開石中葉遽凋叢鴈殫雲露靜鳥墜日輪空
九流參廣宴萬寓抃恩隆

江令於長安歸還揚州九月九日行微山
亭賦江韻

心逐南雲逝形隨北鴈來故鄉籬下菊今日幾花開

擬江令

本逐征蓬去還隨落葉來菊花應未滿許待詩人開

同前擬

遊人倦蓬轉鄉思逐鴻來偏想臨潭菊芳姿對誰開

九日懷封元寂

王勃

九日郊原望平野遍霜威蘭氣添新酌花香染別衣

九秋良會少千里故人稀今日龍山外當憶鴈書歸

蜀中九日

九月九日望鄉臺他席他鄉送客枉人今已馱南中
苦鳴鴈那從北地來

九日

九日重陽節門門有菊花不知來送酒若箇是陶家

九月九日登玄武山旅眺

邵大震

九月九日望遙空秋水秋天生夕風寒鴈一向南飛
遠遊人幾度菊花叢

同前

盧照隣

九月九日眺山川歸心歸望積風煙他鄉共酌金花



酒萬里同悲鴻鴈天

和九月九日登慈恩寺浮圖應制

張錫

九秋霜景淨千門曉望通仙遊光御辯瑞塔迥凌空
菊彩揚堯日萸香遶舜風大文麗辰象竊扑仰曾穹

同前

蕭至忠

天蹕三乘啓星輿六轡行登高凌寶塔目極遍王城
神衛虛中遠仙歌雲外清重陽千萬壽率舞頌昇平

同前

解琰

瑞塔臨初地金輿幸上坊空邊有清淨竟處無聲香
雨霽微塵斂風秋定水涼茲辰採仙菊薦壽慶重陽

同前

李迥秀

沙界人王塔金繩梵帝遊言從祇樹賞行玩菊叢秋御
酒調甘露天花亂綵旒堯年持佛日同此慶時休

同前

劉憲

香塔曾霄半仙鑣淨境遊登臨馮季月寥廓見中州
御酒新寒退天文寶氣浮却邪將獻壽茲日奉千秋

同前

趙瞻

扈蹕遊玄地陪仙瞰紫微似邁銖衣初將同羽化飛
雕戈秋日麗寶劍曉霜霏獻觴乘菊序長願奉天暉

同前

樊忱

淨境重陽節仙遊萬乘來插萸登鷲嶺把菊坐蜂臺



十地祥烟合三天瑞景開秋風詞更遠竊抃樂康哉

同前

孫佺

應節萸房滿初寒菊浦新龍旗煥辰極鳳輦儼香闈
蓮井偏疑夏梅梁更若春一忻陪應塔還似得天身

同前

崔湜

帝里重陽節香園萬乘來却邪萸結珮獻壽菊傳杯
塔類承天湧門疑待佛開春詞懸日月長得仰昭回

同前

岑羲

寶臺聳聳天外玉輦步雲端日麗重陽景風搖季月寒
梵堂遙集鴈帝樂近翔鸞願獻延齡酒長承湛露歡

同前

李從遠

九月從時豫三乘為法開中霄日天子半座寶如來
摘果珠盤獻攀萸玉輦迴願將塵露點遙奉光明臺

同前

趙彥昭

御辯乘秋節登高出梵宮皇心滿塵界佛跡現虛空
日月宜長壽人天得大通喜聞題寶偈受記莫由同

同前

崔日用

紫宸歡每洽紺殿法初隆菊泛延齡酒蘭吹解愠風
咸英調正樂香梵遍秋空臨幸符天瑞重陽日再中

同前

李適

鳳輦乘朝霽鸚林對晚秋天文貝葉寫聖澤菊花浮
塔似神功遍合龍疑佛影留幸陪清漢蹕欣奉淨居遊



同前

季月啓重陽金輿陟寶坊御旗橫日道仙塔儼雲莊
帝蹕千官從乾詞七耀光顧慙文墨職無以頌時康

馬懷素

同前

踴塔臨玄地高層瞰紫微鳴鑾陪帝出攀撩翊天飛
慶洽重陽壽文含列象輝小臣叨載筆欣此頌巍巍

李义

同前

盧藏用

化塔龍山起中天鳳輦迂綵旒亭畫剎雜珮冒香菓
寶葉葳千座金英漬百于孟秋雲飄聖藻霄極捧連珠

同前

周利用

出豫乘金節飛文煥日宮菓房開聖酒奈苑被玄功

塔向三天迥池收八解空叨恩奉蘭藉終愧洽薰風

同前

楊庶

萬乘臨真境重陽眺遠空慈雲浮鴈塔定水映龍宮
寶鏘含飈響仙輪帶日紅天文將瑞色輝煥滿寰中

同前

薛稷

寶宮星宿劫香塔鬼神功王遊盛塵外眷覽出區中
日字開初景天詞掩大風微臣謝時菊薄採入芳叢

同前

張景源

飛塔凌霄起宸遊一屆焉金壺新泛菊寶座即披蓮
就日搖香轝馮雲出梵天祥氣與佳色相伴雜鑪烟

同前

李怡



寶地隣丹掖香臺瞰碧雲
關山江外出城闕樹中分
眷藻蘭英秀仙杯菊蘂薰
願將今日樂長奉聖明君

同前

畢乾泰

鸚林化塔啓鳳輦順時遊
重九昭皇慶大千揚帝休
奢閣妙法闡玉舍眷文流
至德覃无極小臣歌詎訕

同前

辛替否

洪慈鈞動植至德俯深立
出豫從初地登高適梵天
白雲飛御藻慧日暖皇編
別有秋原藿長傾雨露緣

同前

王景

玉輦移中禁珠梯覽四禪
重階清漢接飛甍紫霄懸
綴葉披天藻吹花飲御筵
无因鑾蹕暇俱舞鶴林前

九日登高并序

中宗

粵以景龍三年賓鴻九月乘紫機之餘暇歷翠籞以
宣遊爾乃氣肅商郊風驚兌野波收玄霸澄霽色於
林塘雲歛黃山藹晴輝於原隰銜蘆送響疑傳蘇武
之書化草翻光似臨車胤之帙于時招懿戚命朝賢屬
重陽之吉辰呈九臯之嘉瑞莫房薦馥辟邪之術爰
彰菊蘂含芳延年之驗攸著醉之以酒屬見覆於金
杯文在茲乎蓋各飛於玉藻陶潛盈把既浮九醞之
觀畢卓持螯須盡一生之興人題四韻同賦五言其
最後成罰之引滿

韻得秋字



九日正乘秋三極興已周泛桂迎樽滿吹花向酒浮
長房萸早熟彭澤菊初收何藉龍沙上方得恣淹留

九日侍宴應制得枝字

韋安石

重陽開秋節得一動宸儀金風飄菊榮玉露泣萸枝
春覽八紘外天文十曜披臨深 在即居高豈慮危

同前得暉字

蘇瓌

重陽早露晞眷賞瞰秋磯菊氣先薰酒萸香更襲衣
清切絲桐會縱橫文雅飛恩深答效淺留醉奉宸暉

同前得歡字

李嶠

令節三秋晚重陽九日歡仙杯還汎菊寶饌且調蘭
御氣雲霄近乘高宇宙寬今朝万壽引宜向曲中彈

同前得餘字

蕭至忠

望幸三秋暮登高九日初朱旗巡漢苑翠帟俯秦墟
寵極萸房遍恩深菊酎餘承驪何以答萬億奉宸居

同前得明字

竇希玠

鸞輿巡上苑鳳駕瞰層城御座丹烏麗宸君白鶴驚
玉旗縈桂葉金杯汎菊英九晨陪聖膳萬歲奉承明

同前得深字

韋嗣立

層觀遠沉沉鸞旗九日臨帷宮壓水岸步輦入烟岑
枝上萸新採樽中菊始斟願陪歡樂事長與歲時深

同前得風字

李迥秀

重九臨商節登高出漢宮正逢萸實滿還對菊花叢

霽雲開就日仙藻麗秋風微臣預在鎬竊抃遂無窮

同前得花字

趙彥伯

九日報仙家三秋轉翠華呼鷹下鳥路戲馬出龍沙
簪掛丹萸藻杯涵紫菊花所願同微物年年共辟邪

同前得亭字

楊廉

古日瞰秦堦重陽坐灞亭既開黃菊酒還降紫微星
簫鼓諧仙曲山河入畫屏幸茲陪宴喜無以効丹青

同前得淡字

岑曦

重九開科歷千齡逢聖紀爰豫矚秦堦昇高臨灞浹
玉醴浮仙菊瓊筵延藉芳芷一聞帝舜歌歡娛良未已

同前得開字

盧藏用

上月重陽滿天中萬乘來萸依佩裏發菊向酒邊開
聖澤烟雲動宸文象綽迴小臣無以答願奉億千杯

同前得字

李咸

重陽乘令序四野開晴色日月數初并乾坤聖登極
菊黃迎酒泛松翠凌霜直遊海難為深負山徒倦力

同前

闕朝隱

九九侍神仙高高坐半天文章二曜動氣色五星連
簪紱趨皇極笙歌接御筵願因吹菊酒相守百千年

同前得長字

沈佺期

御氣幸金方憑高薦羽觴魏文頌菊藻漢武賜萸房
去鶴留笙吹歸鴻識舞行臣歡重九慶日月奉天長



同前得歷字

薛稷

暮節乘原野宣遊俯崖壁秋登華實滿氣嚴鷹隼擊
仙菊含霜泛聖藻臨雲錫願陪久久辰長奉千千歷

同前得時字

蘇頌

并數登高日延齡命賞時宸游天上轉秋物雨來滋
降鶴承仙馭吹花入睿詞微臣復何幸長得奉恩私

同前得濃字

李义

望幸紆子乘登高自九重臺疑臨戲馬殿似接疏龍
捧篋萸香遍稱觴菊氣濃更看仙鶴舞來此慶時雍

同前得酒字

馬懷素

春賞叶通三宸遊契重九蘭將葉布席菊用香浮酒

落日下乘榆秋風歇楊柳幸齊東戶慶希薦南山壽

同前得臣字

陸景初

九秋光順豫重節霽良辰登高識漢苑問道侍軒臣
菊花浮秬鬯萸房插緡紳化謚邊亭靜長洲鴻鴈賓

同前得月字

韋元

雲物開千里天行乘九月絲言丹鳳池旆轉蒼龍闕灞
冰歡娛地秦京游俠窟忻承解愠詞聖酒黃花發

同前得高字

李適

禁苑秋光入宸遊霽色高萸房頌綵笥菊蕊榮薦香醪
後騎縈堤柳前旌拂籞桃王枚俱侍從才淺愧飛毫

同前得日字

鄭雨金



重陽玉律應萬乘金輿出風起韻虞絃雲開吐堯日
菊花浮聖酒茱萸香桂衰質欲知恩煦多順動觀秋實

同前得樽字

于經野

御氣三秋節登高九曲門桂筵羅玉姐菊醴溢芳樽
導渚歸鴻度承雲無鶴騫微臣濫陪賞空荷聖明恩

同前得還字

盧懷慎

時和素秋節宸豫紫機閑鶴似聞琴至人疑宴鎬還
曠望對平野潺湲俯暝灣無因酬大德空此媿崇班

和九月九日登慈恩寺浮圖應制

李嶠

瑞塔千尋起仙輿九日來莫房陳寶席菊萼散花臺

御氣鵬霄近升高鳳野開天歌將梵樂空裏共徘徊

同前

趙彥昭

出豫垂嘉節馮高陟梵宮皇心滿塵界佛迹現虛空
日月宜長壽天人得大通喜聞題寶偈受記莫由同

同前

鄭愔

湧霄開化塔倒景駐仙輿鴈子成堂處龍王啓藏初
秋風聖王曲佳氣史官書願獻重陽壽承歡萬歲餘

重陽從幸慈恩寺應制

宋之問

鳳刹尋雲半虹旌倚日邊散花多寶塔張樂布金田
時菊芳仙醞秋闌動睿篇香街稍欲晚清蹕扈歸天

和聖製閏九月九日登莊嚴總持二寺閣



閏月再重陽仙輿歷寶坊帝歌雲稍白御酒菊猶黃
風鐸喧行漏天花拂舞行豫游多景福梵宇日生光

九月九日幸臨渭亭應制 趙彥昭

秋豫疑仙覽宸遊轉翠華呼鷹下鳥路戲馬出龍沙
紫菊宜祈壽丹萸辟舊邪願陪長久宴歲歲奉吹花

同前 劉憲

重陽登國序上界叶時巡駒輦烟花落開筵妓樂陳
城端剝柱見雲表露盤新臨睨光輝滿飛文動眷神

同前 李义

清蹕幸禪樓前駮歷御溝還秋九日豫更想六日游
聖藻輝瓔珞仙花綴冕旒所忻延億載寧只慶重秋

九月九日宴江陰 杜審言

蟋蟀歸期晚茱萸節候新降霜青女月送酒白衣人
高興要長壽卑棲隔近臣龍沙即此地舊俗坐為隣

相州九日城北亭子 張說

西楚茱萸節南淮戲馬臺寧知洹水上復有菊花杯
亭帳憑高出親游自遠來短歌將急景同使興情催

九日陪登高陰行先

重陽初啓節無射正飛灰寂寞風蟬去聯翩霜鴈來
山棠紅葉下岸菊紫花開今日桓公座空媿孟嘉才

岳州九日宴道觀西閣

搖落長年歎蹉跎遠宦心北風斯代馬南浦宿陽禽

佳此黃花酌酣今白首吟涼雲霾楚望濛雨蔽荆岑
登眺思清景誰將卷濁陰釣歌出江霧樵唱入山林
魚為嘉名採木為美材侵大道由中悟逍遙匪外尋
參佐多君子詞華賞達音淹留洞庭觀望古意何深

九日進茱萸山詩五首

家居洛城下舉目見嵩山刻作茱萸節情生造化間
黃花宜泛酒青岳好登高稽首明庭內心為天下勞
菊酒携山客萸囊繫牧童路疑尋大隗人似問鴻濛
九日重陽數三秋萬寶成時來謁軒后罷去坐蓬瀛
晚節歡重陽高山上五千醉中知偶聖夢裏見尋仙

九日侍宴賦得時字

蘇頌

嘉會宜長日高游順動時曉光雲半洗晴物雨餘滋
陪鶴因韶聽吹花入御詞願陪并數節億萬九秋期

九月九日望蜀臺

蜀王望蜀舊臺前九日分明見一川北料鄉關方自
此南辭城郭復依然青松繫馬攢巖畔黃菊留人藉
道邊自昔登臨湮滅盡獨聞忠孝兩能傳

九月九日登龍山

張九齡

郡庭常窘東涼野求昭曠楚客凜秋時桓公舊臺上
清明風日好歷落江山望極遠何蕭條中留坐悵悵
東彌夏首闊西拒荆門壯夷險雖異時古今豈殊狀
先賢耻不接故老猶可訪披帛傷昔人揮斤感有匠



自惟本疎散未始忘幽尚際會非有欲往來是無忘
為邦復多幸去國殊遷放且泛籬下菊還今郢中唱
灌園亦何為於陵乃逃相

新刊古今歲時雜詠卷第三十三

新刊古今歲時雜詠卷第三十四

古詩

重陽中

奉和聖製重陽節宰臣及羣官上壽

王維

四海方無事三秋大有年百生逢此日萬壽願齊天
芍藥和金鼎茱萸插玳筵王堂開右个天樂動宮懸
御柳疎秋景城鴉拂曙煙無窮菊花節長奉百梁篇

九月九日憶山東兄弟時年十七

獨在異鄉無異客每逢嘉節倍思親遙知兄弟登高
處 插茱萸少一人



九日

孟浩然

初九未成旬重陽即此晨登高聞古事載酒訪幽人
落帽恣歡飲授衣同試新茱萸正可佩折取寄情親

九日龍沙寄劉大春虛

龍沙豫章北九日枉帆過風俗因時見湖山發興多
客中誰送酒棹裏自成歌歌競乘流去滔滔任夕波

途中九日懷襄陽

去國已如昨倏如昨杪秋峴山杳不見風景令人愁
誰採籬下菊應閑池上樓宜城多美醞歸與葛強遊

和盧明府九月九日峴山宴馬使君崔
員外

宇宙誰開闢江山此鬱盤登臨今古用風俗歲時觀
地理荊州分天涯楚塞寬百城今刺史華省舊郎官
共美重陽節俱懷落帽歡酒邀彭澤載琴輟武城彈
獻壽先浮菊尋山或藉蘭煙虹鋪藻翰松竹挂衣冠
叔子神如在山公興欲闌常聞騎馬醉還向習池看

九月九日登峴山寄張子容

北山白雲裏隱者自怡悅相望試登高心隨飛鳥滅
愁因薄暮起思是清秋發時見歸村人沙行渡頭歇
天邊樹若濟江畔舟如月何當載酒來共醉重陽節

九日陪潤州邵使君登北固山
張子容



五馬向山椒重陽出麗譙徐州帶淶水楚國在青霄
張幕連江樹開筵接海潮凌雲詞客語迴雪舞人嬌
梅福慙仙吏羊公賞下僚新豐酒舊美况是菊花朝

重陽日陪元魯山德秀登北城矚對新
霽因以贈別時元兄屢有挂冠之意

蕭穎士

山縣遶古堞悠悠快登望雨餘秋天高日盡無隱狀
綿連漁川迥杳眇鴉路深彭澤興不淺臨風動歸心
賴茲鳴琴暇傲睨傾菊酒人和歲已登從政復何有
遠山十里並一道街長雲青霞半落日混合疑晴曛
漸聞鷺栖羽坐歎清夜月中歡愴有違行子念明發

僅能泯寵辱未免傷別離江湖不可忘風雨勞相思
明時當盛才短伎安所設何日謝百里從君漢之滋

宣城九日聞崔侍御宇文太守游敬亭
徐時登響山不同此賞醉寄崔侍御二首

李白

九日茱萸熟挿鬢傷早白登高望山海滿目悲古昔
遠訪投沙人因為逃名客故郊競誰在獨有崔亭伯
重陽不相知載酒任所適手持一枝菊調笑二千石
日暮岸幘歸傳呼溢阡陌彤襜雙白鹿賓從何輝赫
夫子在其間遂成雲霄隔良辰與美景兩地方虛擲
晚從雨常歸蘿月下水壁却登郡樓望松色寒轉碧



咫尺不可親，棄我如遺囑。

九卿天上落五馬，道傍來列戟。朱門曉褰帷，碧嶂開
登高望遠海，名客得英才。紫綬歡情洽，黃花逸興催。
山從圖上見，溪即鏡中迴。遙羨重陽作，應過戲馬臺。

九日登巴陵置酒望洞庭水軍

時賑通
華客賒

九日天氣清，登高無片雲。造化闢川岳，了然楚漢分。
長風鼓橫波，合踏感龍文。憶昔傳猶預，樓船壯橫汾。
今茲討鯨鯢，旌旆何繽紛。白羽落酒樽，洞庭羅三軍。
黃花不掇手，戰鼓遙相聞。劍舞轉頽陽，當時日停曛。
酣歌激壯士，可以摧妖氛。齷齪東籬下，泉明不足羣。

九日龍山飲

九日龍山飲黃花笑逐臣，醉看風落帽，舞愛月留人。

九日

今日雲景好，水綠秋山明。携壺酌流霞，褰菊泛寒榮。
地遠松石古，風揚絃管清。窺觴照歡顏，獨笑還自傾。
落帽醉山月，空歌懷友生。

九日登山

淵明歸去後，不與世相逐。為無杯中物，遂偶本州牧。
因招白衣人，笑酌黃花菊。我來不得意，虛過重陽時。
題輿何俊發，遂結城南期。築土接響山，俯臨遠水湄。
胡人叫玉笛，越女彈霜絲。自作英王曹，斯樂不可窺。
赤鯉湧琴高，白龜道水夷。靈仙如彷彿，真酌遙相知。



古來登高人今復幾人在滄洲違宿諾明日猶可待
連山似驚波合沓出溟海揚袂揮四座酩酊安所知
齊歌送清觴起舞亂參差賓隨落葉散帽遂秋風吹
別後登此臺願言長相思

九日藍田崔氏莊

杜甫

老去悲秋強自寬興來今日盡君歡羞將短髮還吹
帽笑倩傍人為正冠藍水遠從千澗落玉山高並兩
峯寒明年此會知誰健更把茱萸子細看

九日楊奉先會白水崔明府

今日潘懷縣同時陸浚儀坐開桑落酒來把菊花枝
天宇清霜淨公堂宿霧披晚酣留客舞鳧鷖共差池

九日曲江

綴席茱萸好浮舟菡萏衰季秋時欲半九日意兼悲
江水清源曲荆門此路疑晚來高興盡搖蕩菊花期

九日登梓州城

伊昔黃花酒如今白髮翁追歡筋力異望遠歲時同
弟妹悲歌裏朝廷醉眼中兵戈與閑塞此日意無窮

九日奉寄嚴大夫

九日應愁思經時冒險難不眠待漢節何路出巴山
小驛香醪嫩重巖細菊班遙知簇鞍馬迴首白雲間

九日寄岑參

出門復入門雨脚但如舊所向泥活活思君令人瘦



沉吟坐西軒散食錯昏晝寸步曲江頭難為一相就
吁嗟乎蒼生稼穡不可救安得誅雲師疇能補天漏
大明韜日月曠野號禽獸君子強逶迤小人困馳驟
維南有崇山恐與川侵溜是節東籬菊紛披為誰秀
岑生多新詩性亦嗜醇酎采采黃金花何由滿衣袖
重陽何氏書齋

山雨樽前在沉沙榻未移大迎曾宿客鴉護落巢兒
雲薄開翠寺天晴皇子陂向來幽極步步履過東籬

九日四首

重陽獨酌盃中酒抱病豈登江上臺竹葉於人既無
分菊花從此不須開殊方日落玄猿哭舊國霜前白

鴈來弟妹蕭條各何往干戈衰謝兩相催

舊日重陽日傳盃不放盃即今蓬髮改但媿菊花開
北關心長戀西江首獨迴茱萸賜朝士難得一枝來
舊與蘇司業兼隨鄭廣文采花香泛泛坐客醉紛紛
野樹歌還倚秋砧醒却聞歡娛兩冥冥西北有孤雲
故里樊川菊登高素澹源他時一笑後今日幾人存巫
峽蟠江路終南對國門繫舟身萬里伏枕淚雙痕為
客裁烏帽從兒臭淶樽佳辰對群盜愁絕更堪論

登高日諸人集千林

九日明朝是相要舊俗非老翁難早出賢客幸知歸
舊米黃花賸新梳白髮微漫看年少樂忍淚已沾衣



九日

去年登高鄴縣北今日重在涪江濱苦遭白髮不相
放羞見黃花無數新世亂鬱、久為客路難悠悠常
傍人酒闌却憶十年事腸斷驪山清路塵

九日使君席奉餞衛中丞赴長安

岑參

節使橫行東出師鳴弓擐甲羽林兒臺上霜威凌草
樹軍中殺氣傍旌旗預知漢將宣威日正是胡塵欲
滅時為報使君多泛菊更將絲管醉東籬

奉陪封大夫九日登高得雲字

九日黃菊酒登高會昔聞霜威逐亞相殺氣傍中軍

橫笛驚胡鴈嬌歌落塞雲邊頭幸無事醉舞荷吾君

行軍九日思長安故園時未收長安

強欲登高去無人送酒來遙憐故園菊應傍戰場開

九日

張諤

秋去林下不知春一種佳游事也均絳草從朝飛着夜
黃花開日未成旬將腫栢樹頻驚馬半醉歸途數問
人城遠登高併九日茱萸几作幾年新

九日巴丘登高

張均

客心驚暮序賓鴈下襄州共賞重陽節言尋戲馬游
湖風秋戍柳江雨暗山樓且酌東籬菊聊祛南國憂

九日

崔國輔



江邊楓落菊花黃少長登高一望鄉
九日陶家雖載酒三年楚客已霑裳

九日宴

運偶千年聖時傳九日神堯尊列鍾鼓漢關關鈞陳
金錄三清降瓊筵五日巡始驚蘭洲出復詠柏梁新
雲鴈樓前晚霜花酒裏春歡餘無限極書劍太平人

九日登高

崔曙

漢文皇帝有高臺此日登臨曙色開
三晉雲山皆北向二陵風雨自東來
開門令尹誰能識河上仙公去不迴
且欲近尋彭澤宰陶然共醉菊花杯

九日作

王縉

莫將邊地比京都八月嚴霜草已枯
今日登高樽酒裏不知能有菊花無

觀衛尚書九日對中使射破的

戎昱

盛宴傾黃菊殊私降紫泥月營開射圃
霜旆拂晴霓出將三朝貴彎弓五善齊
腕迴金鏃滿的破綠絃低勇氣干牛斗
歡聲震鼓鼙忠臣思報國更欲取關西

九日賈明府見訪

獨掩衡門秋景閑洛陽才子訪柴關
莫嫌濁酒君須醉雖是貧家菊也斑
同人願得長携手久客深思一破顏
却笑孟嘉吹帽落登高何必上龍山



九日登青山

朱湾

昔人惆悵地繫馬又登臨舊處煙霞在多時草木深水將空合色雲共我無心想見龍山會良辰亦似今

重陽日陪韋卿讌

何必龍山好南亭賞不睽清規沈侯事雅興謝公題入座青峯近當軒遠樹齊仙家自有月莫歎夕陽西

九日陪劉中丞宴昌樂寺送梁廷詩

朱放

獨坐三臺妙重陽百越間水心觀遠俗霜氣入秋山不棄遺簪舊寧辭落帽還仍聞西上客咫尺謁天顏

九日與楊凝崔淑期登江上山會有故不

得徃因贈之

欲從携手登高去一到門前意已

得更將頭上

髮學他年少插茱萸

九月九日李蘇州東樓宴

獨孤及

是菊開花日當君乘興秋風前孟嘉帽月下庾公樓酒解留征客歌能破別愁醉歸無以贈只奉萬年酬

九日澧上作寄翟主簿倬二季

韋應物

淒、感時節望、臨澧浹翠嶺明華秋高天澄遙漳川寒流逾迅霜交物方委林葉索已空晨禽迎颺起時菊乃盈泛濁醪自為美良游雖可娛躬念在之子

人生不可省營欲無終已孰能同一酌陶然冥斯理

九日

今朝把酒復惆悵憶在杜陵田舍時明年九日知何處世難還家未有期

重九登滁城樓憶前歲九日歸澧上赴崔都水及諸弟醺集悽然懷舊

今日重九醺去歲在京師聊迴出省步一赴郊園期佳節始云邁周辰已及茲秋山滿清景當賞屬乖離彫散民里闕摧翳衆木衰樓中一長嘯惆悵起涼颼

故人重九日求橘書中戲贈

吟君獨卧思新橘始摘猶酸亦未黃書後欲題三百

穎洞庭須待滿林香

奉和御製重陽宴百僚

聖心憂萬國端居在穆清立功致海晏錫宴表文明恩屬重陽節兩應此時晴寒菊生池苑高樹出宮城捧藻千官處垂戒百王程復覩開元日臣愚獻頌聲

重陽白郢城樓送屈突司直

劉長卿

登高復送遠惆悵洞庭秋風景同前古雲山滿上游蒼蒼來暮雨淼淼逐寒流今日關中事蕭何共爾憂

九日李明府北樓

九日登高望蒼蒼遠樹祇人煙潮草裏山翠縣樓西



霜降鴻聲切秋深客思迷無勞白衣酒陶令自相携

九日岳陽待黃遂張渙

別君頗已久離念與時積楚水空秋烟江樓望鄉客
徘徊下佇想髮髣如暫覲心目徒自親風波尚相鴈
青林泊舟處猿鳥愁孤驛遙見郭外山蒼然而中夕
季鷹久踈曠叔度早疇昔返棹來何遲黃花候君摘

九日題蔡國公主樓

主第人何在重陽客暫尋水餘龍鏡色雲罷鳳簫音
暗牖藏昏旦蒼苔換古今晴山卷幔出秋草閉門深
離菊仍新吐庭槐尚舊陰年年函梁燕來去獨無心

九日與陸處士賞茶

皎然

九日山僧院東籬菊也黃俗人泛萸酒誰解助茶香

九日同盧使君晨興郊外集送李司業赴選

重陽千騎出送客為踟躕曠野多搖落寒山滿路隅
晴空懸舊旆秋色起凌湖幾日登司會楊才盛五都

九日和于使君思上京親故

霽景滿水國我心望江城碧山與黃花爛漫多秋情
搖落見松柏歲寒比忠貞歡娛在鴻都是日思朝英

九日阻雨簡高侍御時與高公近隣

江上重雲起何曾衰塵不能成落帽翻欲更摧巾
素髮閑依枕黃花暗待人且應携下價芒屨就諸隣

九日寄鄭豐

皇甫冉



重陽秋已晚千里信仍稀何處登高望知君正憶歸
還當採時菊定未授寒衣欲識離居恨郊原晝掩扉

重陽日酬李觀

不見白衣來送酒但令黃菊自開花愁看日晚良辰
過步、行尋陶令家

九日登高

王昌齡

青山遠近帶皇州霽景重陽上北樓雨歇亭臯仙菊
潤霜飛天苑御梨秋茱萸插髮花宜壽翡翠橫釵舞
作愁謾說陶潛籬下醉何曾得見此風流

九日閑居寄登高數子

錢起

初服栖窮巷重陽憶舊游門閑謝病日心醉授衣秋

酒盡寒花笑庭空暝雀愁今朝落帽客幾處管絃留

九日

今日山家野興偏東籬黃菊滿秋田浮雲暝鳥稍飛
去始愛平林新月前

九月九日劉十八東堂集

李頎

風俗尚九日此誠安可忘菊花辟惡酒湯餅茱萸香
雲入授衣假風吹閑宇涼主人盡歡樂林景晝微茫
清切晚砧動東西歸鳥行淹留悵為別日醉秋雲光

九日落東亭

司空曙

風息斜陽盡游人曲落間採花因覆酒行草轉看山
柳散新霜下天晴早鴈還傷秋非騎省玄髮白成班



九日送人

送人冠獬豸值節佩茱萸均賦徵三壤登車出五湖
水風淒落日岸葉颺衰蕪自恨塵中使何因在路隅

同前

劉春虛

海上正搖落客中還別離同舟去未已遠送新相知
流水意何極滿樽徒爾為從來菊花節早已醉東籬

同前

孫昌胤

京邑歎離羣江樓喜遇君開筵當九日泛菊外浮雲
朗詠山川霽酣歌物色曛看看酒中意未肯喪斯文

九日陪崔郎中北山齋

嚴維

上客南臺至重陽此會文菊芳寒露洗杯翠夕陽曛

務簡人同醉溪閑鳥自群府中官最小唯有孟參軍

九日登高

詩家九日憐芳菊遲客高齋瞰浙江漢浦浪花搖素
壁西陵樹色入雲空木奴向熟懸金實桑落新開瀉
玉釭四子醉時爭講德笑論黃霸屋為邦

九日

李嘉祐

惆悵重陽日空山野菊新蒹葭百戰地江海十年人
歎老看衰柳傷秋對白蘋孤樓聞石磬增路向城闔

九日送人

晴景應重陽高臺愴遠鄉水澄千室倒霧卷四山長
受節人逾老驚寒菊半黃席前愁此別未別已霑裳



答泉州薛播使君重陽日贈酒

欲強登高無力也
籬邊黃菊為誰開
并知不是潯陽
郡那得王弘送酒來

重陽日寄上饒李明府

劉商

重陽秋鴈未銜盧
始覺他鄉節候殊
旅館但知聞蟋蟀
郵童不解獻茱萸
陶潛何處登高醉
倦客停橈一事無
來歲公田多種黍
莫教黃菊笑揚朱

九日陪皇甫使君泛江宴赤岸亭

暢當

羈旅逢佳節
追遙忽見招
同傾菊花酒
緩棹木蘭橈
平楚湛愁思
長江去寂寥
猿啼不離決
灘沸鎮如潮

舉目關山異
傷心鄉國遙
徒言歡滿坐
誰覺客魂銷

九日送洛陽李丞之任

戴叔倫

為文通絕境
從官及良辰
洛下知名早
腰邊結綬新
且傾浮菊酒
聊拂染衣塵
獨恨滄波侶
秋來別故人

奉陪李大夫九日宴龍沙

邦君採菊地
近接旅人居
一命招衰疾
清光照里閭
去官慙比謝
下榻貴同徐
莫怪沙邊倒
偏需杯酌餘

九日與敬處士左學士同賦採菊上東

山便為首句

採菊上東山
山高路非遠
江湖乍遼
負城郭亦在眼
晝日市井喧
閏年禾稼晚
開樽會家客
長嘯臨絕巘



戲鶴唳且閑，斷雲輕不卷。鄉心各萬里，醉話各一展。
喬木列遙天，殘陽貫平坂。徒憂征車重，自笑謀慮淺。
却顧郡齋中，寄傲與君同。

登高迴醉中，乘月與崔法曹尋楚僧方
外各賦一絕

插鬢茱萸來未盡，共隨明月下沙堆。高緇寂，不相
問醉客無端入定來。

九日奉陪渾侍中登白樓 盧綸

碧霄孤鶴發清音，上宰因添望闕心。睥睨三層連步
障，茱萸一朵映華簪。紅霞似綺何如帶，白露團珠菊
散金。此日所從何所問，儼然冠劍擁成林。

九日陪渾侍中宴白樓

露白菊氤氳，西樓盛鬻文。五筵秋令節，金鉞漢元勳。
說劍風生坐，拍琴鶴遶雲。諛儒無以答，願得備前軍。

九日奉陪侍中宴後亭

玉堂傾菊酒，一顧得淹留。練筆徵枚叟，花筵舞莫愁。
管絃能駐景，松桂不停秋。為謝蓬蒿輩，如何霜霰稠。

九日奉陪令公登白樓同詠菊

瓊樽有仙菊，可以獻留侯。願此三花秀，非同百世秋。
金英分藥細，玉露結房稠。黃雀知恩在，銜飛亦上樓。

九日同司直九叔崔侍御登寶雞南樓

把菊歎將老，上樓悲未還。短長新白髮，稠疊舊青山。



霜氣清衿袖琴聲引醉閑竹林唯七友何幸亦登攀

和趙端公九日登石亭上和州家兄

落浦想江津悲歡共此晨採花湖岸菊望國舊樓人
鴈別聲偏若松寒色轉新傳書問漁叟借冠爾何因

九日

耿漳

九日強游登藻井髮稀那敢插茱萸橫空過雨千峯出大
野新霜萬壑鋪更望樽中菊花酒躬勤能得幾回沽

九日贈司空曙

李端

我有惆悵詞待君醉時說長來逢九日難與菊花別
摘却正開花暫言花未發

重陽宴集 同用寒字

張登

錫宴逢佳節窮荒亦共歡恩深百日澤雨借九秋寒
望歲人謠洽臨風客以難座移山色在杯盡菊香殘
欲識投醪遍應從落帽看還宵須命燭舉手謝三官

同前并序

德宗

朕在位行將十載實賴忠賢佐佑克致小康是以擇
三令節錫茲宴賞俾大夫卿士得用為歡也夫共其
感者同其歡榮有其初者貴其終始資爾群寮順朕
不暇樂而能節職司其憂咸若時則庶乎理矣因重
陽之會聊于所懷

早衣對庭燎躬化勤意誠時此萬樞暇適與佳節并曲
池潔寒流芳菊舒金英乾坤爽氣澄臺殿秋光清朝



野慶年豐高會多歡聲永懷無荒戒良士同斯情

重陽日中外同歡以詩言志因示群官

爽節在重九物華新雨餘清秋黃葉下菊散金潭初
萬寶行就稔百工欣所如歡心暢遐邇殊俗同車書
至化自敦睦佳辰宜宴旨鏘鏘間絲竹濟濟羅簪裾
此樂匪足耽此誠期永孚

重陽日即事

令節曉澄霽四郊烟靄空天清白露潔菊散黃金叢
寡德荷玄貺順時休百工豈懷歌鐘樂思與君臣同
至化在亭有相成資始終未知康衢詠所仰惟年豐

豐年多慶九日示懷

爽氣肅時令早衣聞朔鴻重陽有佳節具物欣年豐
皎潔暮潭色芬敷新菊叢芳樽滿衢室繁吹凝烟空
惠洽信吾道保和惟爾同推誠致玄化天下期為公

九日絕句

禁苑秋來爽氣多昆明風動起滄波中流簫鼓誠堪
賞詐假橫汾發棹歌

奉和聖制衣重陽會聊示所懷

李泌

大唐造昌運品物荷時成乘秋適令節錫宴歡群情
俯臨秦山川高會漢公卿欠一韻未追赤松子且泛黃
菊英賡歌聖人作海內同休明



奉和聖制衣重陽日百寮曲江宴示懷

崔元翰

偶聖睹昌期，受恩慙弱質。幸逢良宴會，况是清秋日。
遠岫對壺觴，澄瀾映簪紱。魚羔備豐膳，蒙鳳調鳴律。
薄劣廁英肆，歡娛忘衰疾。平臯行鴈下，曲渚雙鳧出。
沙岸菊開花，霜枝果垂實。天文見成象，帝念資勤恤。
採道得玄珠，齋心居特室。豈恕橫汾唱，其事徒驕逸。

奉和聖制衣九日言懷賜百僚

權德輿

令節在豐歲，情喜人安絲。竹調六律，簪裾列千官。
烟霜暮景清，水木秋光寒。筵開曲池上，望盡終南端。

天文麗慶霄，墨妙驚飛鸞。願言黃花酒，永奉今日歡。

奉和聖制重陽日中外同歡以詩言志示群臣

王醴宴佳節，拜恩歡有餘。煌煌菊花秀，馥馥萸房舒。
白露秋稼熟，清風天籟虛。和聲度簫韶，瑞氣深儲骨。
百辟皆醉止，萬方今宴如。宸衷在化成，藻思煥瓊琚。
微臣徒竊抃，豈足歌唐虞。

奉和聖制重陽日即事

佳節在陽數，至歡朝野同。恩隨千鍾洽，慶屬五稼豐。
時菊洗露華，秋池涵霽空。金絲響仙樂，劍舄羅宗公。
天道光下濟，睿詞敷大中。多慙擊壤曲，何以達堯聰。



奉和聖製豐年多慶九日示懷

寒露應秋杪清光澄曙空澤均行葦厚年慶華黍豐
聲明暢八表宴喜陶九功文麗日月合樂和天地同
聖言在推誠臣職惟匪躬瑣細何以報翺飛淳化中

嘉興九日寄丹陽親故

窮年歧路客西望思茫，積水曾南渡浮雲失舊鄉
海邊尋別墅愁裏見重陽草露荷衣冷山風菊酒香
獨謠看墜葉遠目遍秋光更羨登攀處烟花滿練塘

九日北樓宴集

蕭颯秋聲樓上聞霜峯漠，起陰雲不見携觴王太
守空思落帽孟叅軍風吟蟋蟀寒猶急酒泛茱萸晚

易曛心憶舊山何日見併將愁淚共紛紛



新刊古今歲時雜詠卷第三十五

古詩

重陽下

奉陪李大夫九日龍沙宴會遲字

權德輿

龍沙重九會千騎駐旌旗
水木秋光淨
絲桐雅奏遲
煙蕪斂暝色
霜菊發寒姿
今日從公醉
全勝落帽時

酬九日

重九共嬉娛
秋光景氣殊
他時頭似雪
還對插茱萸

和九日從楊氏姊游宴

秋光風露天
令節慶初筵
易象人家吉
閨門女士賢



招邀菊酒會屬和柳花篇今日同心賞全勝落帽年

奉和聖製重陽日即事 武元衡

玉燭降寒露我皇歌大風重陽德澤振萬國歡娛同
綺羅擁行騎香塵凝曉空神都自諳、佳氣助葱、
律呂金石暢景光天地通徒然被鴻霈無以報立功
奉和聖製豐年多慶九日示懷

令節寰宇泰神都佳氣濃賡歌禹功盛擊壤堯年豐
九奏碧霄裏千官皇澤中南山澹凝黛曲水清涵空
金玉美王度歡康謠國風眷文垂日月永與天無窮
九日小園獨謠奉寄門下相公

李吉甫

小園休沐暇暫與故山期樹杪懸丹棗苔陰落紫梨
滿叢新菊徧繞樹古藤垂受露紅蘭晚迎霜白薤肥
上公留鳳詔冠劍俟清祠應念端居者長慙補袞詩

奉酬中書相公九日小園獨謠以元衡
致齋禁省見寄六韻

齋沐限中禁家山傳勝遊露寒潘省夜木落庾園秋
蘭菊回幽步壺觴絕舊儔位高天祿閣詞异畔牢愁
孤思琴先覓馳暉水共流明朝不見 清祀在圓丘
奉和相公省中宿齋酬李相公見寄

鄭綯

高閣安仁省名園廣武廬沐蘭朝泰一種竹詠華胥



禁靜疎鍾徹庭開爽韻虛洪鈞齊萬物縹帙整羣書
寒露滋新菊秋風落故渠同懷不同賞幽意竟何如

九日廣陵同陳五先輩登高 歐陽詹

客路重陽日登高寄上樓風煙今令節臺閣古雄州
泛菊聊斟酒持萸嬾插頭情人共惆悵良友不同游

九日廣陵登高懷邵二先輩

簪萸泛菊俯平阡飲過三杯却惘然千歲此辰同醉
友登高各處已三年

九日

皎然

重陽荆楚尚高會此難陪偶見登龍客同游戲馬臺
風文向水疊雲態擁歌迴持菊煩相問含情愧不才

九日菊花詠應制

廣宣

可訝東籬菊能知節候芳細枝青玉潤繁葉碎金香
爽氣浮朝露濃姿帶夜霜泛杯傳壽酒應共樂時康

重陽夜集蘭陵居與宣供奉聯句

蟋蟀催寒服茱萸滴露房酒巡明刻燭籬菊暗尋芳
李益新月知秋露繁星混夜霜登高今夕事九九是天

長宣

九日黃白二菊花盛開對懷劉二十八

西花雖未謝二菊又初芳髮雪徒云白鬢金未是黃
曙花凌露彩宵艷射星芒日正開邊樹風清廢更香
山椒應散亂籬下倍熒煌泛酒遙相憶何由共醉狂

奉和相公九日對黃白二菊見懷

劉禹錫

素萼迎寒秀金英帶露香繁華照旄鉞榮盛對銀黃
琮塵交輝映衣裳雜移章晴雲遙蓋覆秋蝶近悠揚
空想逢九日何由陪一觴滿叢佳氣在未肯委嚴霜

九日言懷

令狐楚

二九即重陽天清野菊黃近來逢此日多是在他鄉
晚色霞千片秋聲鴈一行不能高處望恐斷老人腸

奉和嚴司空重陽日同崔常侍崔郎中
及諸公登龍山落帽臺佳宴

謝公秋思眇天涯蠟屐登高為菊花貴重近臣光綺

席笑伶從事落烏紗莫房暗綻紅珠朶茗援寒供白
露牙詠碎龍山歸出號馬奔流雷妓奔車

九月九日登高

劉禹錫

世路山河險君門煙霧深年年上高處未省不傷心

九日登西原宴望

同諸兄弟作

白居易

病愛枕席涼日高眠未輟弟兄呼我起今日重陽節
起登西原望懷抱同一豁移座就菊叢餤酒前羅列
雖無絲與管歌笑隨情發白日未及傾顏醅耳已熟
酒酣四向望六合何空濶天地自久長斯人幾時活
請看原下村人死不歇一村四十家哭葬無虛月
指此各相勉良辰且歡悅



九日登巴臺

黍香酒初熟菊暖花未開
閑聽竹枝曲淺酌茱萸
去年重陽日漂泊溢城隈
今歲重陽日蕭條巴子臺
旅髮尋已白鄉書久不來
臨觴一搔首座客亦徘徊

禁中九日對菊花酒憶元九
元九曰不是花中唯愛菊此花

開盡更無花

賜酒盈杯誰共持
宮花滿把獨相思
相思祇傍花邊立
盡日吟君詠菊詩

九日寄行簡

摘得菊花携得酒
遠村騎馬思悠悠
下邳田地平如掌
何處登高望梓州

九日醉吟

有恨頭還白無情菊自黃
一為州司馬三見歲重陽
劍匣塵埃滿籠禽日月長
身從漁父笑門任崔羅張
問疾因留客聽吟偶置觴
歎時論倚伏懷舊數存亡
柰老應無計治愁或有方
無過學王勣唯以醉為鄉

九日題塗溪

著草廣鋪楓葉岸
竹枝歌送菊花盃
明年尚作南賓守
或可重陽更一來

九日宴集醉題郡樓
兼至周殷二判官

前年九月餘杭郡
呼賓命宴虛白堂
去年九日到東洛
今年九日來吳鄉
兩邊蓬髮一時白
三處菊花同

色黃一日日知添老病一年年竟惜重陽江南九日
未搖落柳青蒲綠福穰香姑蘇臺榭倚蒼靄太湖山
水含清光可憐侵月好天色公門吏靜風景涼榜舟鞭
馬取賓客掃樓拂席排壺觴胡琴錚縱指撥刺吳娃
美麗眉眼長笙歌一曲思凝絕金鈿再拜光低昂日
脚欲落備燈燭風頭漸高加酒漿觥盞灑翻蕒齒葉
舞鬟擺落茱萸房半酣憑檻起四顧七堰八門六十
坊遠近高低寺間出東西南北橋相望水道脉分棹
鱗次里間碁布城卅方人煙樹色無隙罅十里一片
青茫茫自問有何才與政高廳大館居中央銅魚今
乃澤國節刺史是古吳都王郊無戎馬郡無事門有



此處缺一葉

滿園花菊鬱金黃
中有孤叢色拒霜
還似今朝歌酒席
白頭強入少年場

九日憶襄陽

去國如昨日
倏然經杪秋
峴陽望不見
風景令人愁
誰采籬下菊
應開池上樓
宜城多美酒
歸與葛強游

九日登叢臺

王建

平原池閣在誰家
雙塔叢臺野菊花
零落故宮無入路
西來礧水繞城斜

九日和于使君思上京親故

靈徹

清晨有高會
賓從出東方
楚俗風煙古
汀洲水木涼
山清來遠思
菊意在重陽
心憶華池上
從容駕鷺行



九月九日得蘇屬國書

降慮意何如窮荒九月初三秋異鄉客一紙故人書
對酒情無限開緘思有餘感時空寂寞懷舊幾躊躇
鴈盡平沙迥煙銷大漢虛登臺南望處掩淚對雙魚

和邢郎中病中重陽強游樂游原

裴夷直

嘉辰令節共陶陶風景牽情並不勞曉日整冠蘭室
靜秋原騎馬菊花高晴光一一呈金刹詩思侵侵逼
水曹何必銷憂憑外物祇將清韻敵春醪

奉和大梁相公重九日軍中宴會之什

今古同嘉節歡娛但異名陶公緣綠醕謝傳為蒼生

酒泛金英麗詩通玉律清何言辭物累方繫萬人情

奉和大梁相公同張負外中九日宴集

中九思嘉節追歡從謝公酒清欺玉露菊盛愧金風
不待秋蟾白須沉落照紅更將門下客酌和管絃中
癸卯歲毗陵登高會中貽同志

章碣

流落常嗟勝會稀故人相遇菊花時鳳笙龍笛數巡
酒紅樹碧山無限詩塵土十分歸舉子乾坤大半屬
偷兒長楊羽獵須留本開濟重為闕下期

九日送別

王之煥

薊庭蕭瑟故人稀何處登高且送歸今日暫同芳菊

酒明朝應作斷蓬飛

重陽日至峽邊

張藉

無限高山行已盡迴看忽覺遠離家逢高欲飲重陽
酒山菊今朝未有花

九日

楊衡

黃菊紫菊傍籬落摘菊泛酒愛芳新不看今日望鄉
意強插茱萸隨衆人

九日送錢可復

姚合

數盃黃菊酒千里白雲天綺陌人銷得隣州客悵顛
靜愁唯憶酒閑走不勝眠須念東門別相逢知幾年
陪江州李使君重陽宴百花亭

閑携九日酒共對百花亭醉裏不詩境迴看島嶼青

朱餘慶

旅中遇重陽

一歲重陽至羈游在異鄉登高思舊友滿目是窮荒
草際飛雲片天涯落鴈行故山籬畔菊今日為誰黃
奉和池川杜負外重陽日齊山登高

張祜

秋溪南岸菊 霏急管繁絃對落輝紅葉樹深山迳
斷碧雲江靜浦帆稀不慙孫盛嘲時笑願送王弘醉
夜歸流浪正怜芳意在砧聲徒促授寒衣

九日齊山登高

杜牧



江涵秋景鴈初飛與客携壺上翠微塵世難逢開口
笑菊花須插滿頭歸但將醕酌佳節不用登臨恨
落輝古往今來祇如此牛山何必獨霑衣

九日

金萸繁亂拂欄香明府辭官酒滿缸還有玉樓輕薄
女笑他寒鷺一雙雙

九日

李商隱

曾共山翁把酒卮霜天白菊遶堦墀十年泉下無消
息九日樽前有所思不學漢臣栽首着空教楚客詠
江籬郎君官貴施行馬東閣無因再得窺

九日登樟亭驛樓

許渾

鱸膾與蓴羹西風片席輕潮迴孤島晚雲歛衆山晴
丹葉下高閣黃花垂古城因秋倍多感鄉樹接咸京

重陽日上渚官楊漢公尚書

李羣玉

落帽臺邊菊半黃行人惆悵對重陽荆州一見桓宣
武為趨悲秋入帝鄉

長沙九日東樓觀舞二首

南國有佳人輕盈綠罽舞華筵九秋暮飛被拂雲雨緩
如祥煙泛宛若游龍舉越艷罷前溪吳娃傳白紵
曼態不能窮繁姿曲向終低徊蓮簸浪凌亂雪縈風墮
珥時流盼脩裾欲遡空惟愁捉不住飛去逐鷺鴻



九日陪崔大夫宴清河亭一云上負外從翁

玉醴浮金菊雲亭敞玳筵晴山低昼浦叙鴈遠書天
謝眺離都日殷公出守年不知瑤水宴誰和白雲篇
近見去年聖製黃菊聯

九日巴陵楊公臺宴集

淒淒霜日上高臺水國秋深客思哀萬疊銀山寒浪
起一行斜字早鴻來誰家搥練孤城暮何處題衣遠
信來江漢路長身不定菊花三笑旅萍開

九日越臺

旭日高山上秋天大海隅黃花羅粗妝絳寔撥茱萸
病久歡情薄鄉遙客思孤無心同落帽天際望鄉途

九日

年年羞見菊花開十度悲秋上楚臺半嶺殘陽銜樹
落一行斜鴈向人來行雲永絕襄王夢野水偏傷宋
玉才絲管闌珊歸客盡黃昏獨自詠詩迴

重陽

趙嘏

節逢重九海門外家在五湖煙水東還望秋山覓詩
句伴僧吟入菊花風

重陽日越中陪元相公宴龜山亭

佳辰何處泛花游丞相筵開水上頭雙影旆搖山雨
霽一聲歌動寺雲秋林光盡帶高城晚水色寒分半
檻流共賀萬家逢此節可憐風物滿荊州



吳門重陽日示舍弟

多少鄉心入酒杯野塘今日菊花開
新霜何處鴈初下故國窮秋首正迴
漸老向人空感激一生駘馬傍塵埃
侯門無路提携爾虛共扁舟萬里來

重陽日即事

病久堅辭楚席春菊花元伴水邊身
由來舉止非閑雅不是龍山落帽人

重陽日在病中寄韋舍人

節過重陽菊委塵江邊病起杖扶身
不知此日龍山會誰是風流落帽人

重陽日寄浙東諸從事

李郢

野人多病門長掩荒圃重陽菊自開
愁裏又聞清笛怨望中難見白衣來
元瑜正及從軍樂甯戚誰憐叩角哀
紅旆紛紛碧江暮知君醉下望鄉臺

奉陪裴相公重陽日游宴樂池亭

絳霄輕靄翊三台嵇阮襟情管樂才
蓮沼昔為王儉府菊籬今作孟嘉臺
寧知北闕元勳在漢賜蕭何等北闕大第却引東山舊客來自笑吐茵還酌酊日斜
空從絳衣迴

九日曲池游眺

薛逢

陌上秋風動酒旗江頭絲竹競相追
正當海晏河清日便是脩文偃武時
繡轂盡為行樂伴艷歌皆屬太平時
微臣幸忝頒堯曆一望郊原愜所思



九日邵齋有感

白日貪長夜更長百般無意只思鄉三冬不見秦中
雪九日唯添髮伴霜霞泛小文沉暮色樹凌金氣發
秋光樓前野菊無多少一雨重開一番黃

九日嘉州發軍亭即事

三江分注界平沙何處雲山是我家舞鶴州中翻白
浪掬金灘上圻黃花不愁故國歸無日却恨浮名若
有涯向暮酒酣賓客散水天狼藉變餘霞

九日雨中言懷

饒菓盈前益自愁那堪風雨滯刀州單牀冷席他鄉
夢紫楸黃花故國秋萬里音書何寂寂百年生計甚

悠悠潛將滿眼思家淚灑寄長江東北流

重陽日次荆南路經武寧驛

崔櫓

茱萸冷吹溪口香菊花倒遶山脚黃家山去此強百
里弟妹待我醉重陽風健早鴻高曉景露清圓碧照
秋光莫看時節年年好暗送搔頭逐手霜

重陽阻雨

魚玄機

滿懷黃菊籬邊折兩朵茱萸鏡裏開落帽臺前風雨
隔不知何處醉金盃

九日對酒

元澶

嘉辰復遇登高臺良朋笑語傾金壘煙攤秋色正堪
玩風惹菊香無限來未保亂離今日後且謀懽洽玉



山頽誰知靖節當時事空學狂歌倒載迴

九月九日

周贊

雲木疎黃秋滿川茱萸風裏一樽前幾迴為客逢佳節曾見何人再少年霜報征衣冷斜指鴈鷺幽夢泣雲泉古來醉樂皆難得留取窮通委上天

重陽夜旅懷

鄭谷

強插黃花三兩枝還圖一醉浸愁眉半床斜月酒醒後惆悵多於未醉時

重陽日訪元秀上人

紅葉黃花秋景寬醉吟朝夕在樊川却嫌今日登山俗且共高僧對榻眠別處長懷吳寺壁宜茶偏賞雪

溪泉歸來童稚爭相笑何事無人與酒船

九日偶懷寄左省張起居

令節爭歡我獨閑荒臺盡日向晴山渾無酒泛金英菊謾道官趨玉笋班深媿青莎迎野步不堪紅葉照衰顏羨君官重多吟興醉帶朱陂落照還

重陽日荊州作

吳融

萬里投荒已自哀高秋寓目更徘徊濁醪任泛難辭醉黃菊因暄却未開上國莫歸戎馬亂故人何處朔鴻來鷺時感事俱無奈不待殘陽下楚臺

重九日衛使君筵上作

武灌

佳辰登賞喜還鄉謝守開筵逸興長滿眼黃花初泛



酒隔煙紅樹欲迎霜千家門戶笙歌發十里江山白
鳥翔共賀安人豐樂歲幸陪珠履侍銀章

重陽三首

司馬圖

簷前減鶯菊添芳鶯盡庭前菊已荒老大比他年少
少每逢佳節更悲傷

青娥嬾唱無衣換黃菊新開乞酒難長有長亭惆悵
事隔河碛杵對憑欄

白髮霜寒梳更嬾黃花晴日照初開籬頭應是蝶相
報已被隣家携酒來

重陽阻雨

重陽阻雨獨銜盃移得家山菊未開猶勝登高閑望

斷孤煙殘照馬嘶迴

浙上重陽

登高唯北望菊助可明離恨初逢節貧居只喜晴
好文時可見學稼老無成莫歎關山阻何當不阻兵

華下重陽

菊開猶阻雨蝶意切於人亦應知暮節不比惜殘春

中元乙巳歲愚春秋四十九辭疾拜章
將免左掖重陽獨登上方

雪髮不禁鐻知非又此年退居還有旨榮路免妨墮
落葉鳴蛩鳥晴霞度鴈天自無佳節興依舊菊籬邊

喜王駕小儀重陽相訪



白菊初開卧内明
聞君相訪病身輕
樽前且撥傷心事
谿上還隨覓句行
幽鶴傍人疑舊識
殘蟬向閨噪
新晴擬將寂寞留
同住且勸匡時立
大名

重陽山居二首

詩人自古恨難窮
暮節登臨且喜同
四坐交親兵亂後
一川風物笛聲中
菊殘深處迴幽蝶
波動晴光下
早鴻明日更期來
此醉不堪寂寞對
衰翁
此身逃難入鄉關
八度重陽在舊山
籬菊亂來成爛漫
家僮長得解登攀
年隨歷日三分盡
醉伴浮生一片閑
滿目秋光還似鏡
殷勤為我照衰顏

旅中重陽

乘時爭路試危身
經亂登高有幾人
今歲節唯南至
在舊交墳向北邙
新當歌共惜初筵樂
且健無辭後會頻
莫道中冬猶有閨
蟬聲纔盡即青春

丁巳重陽

重陽未到已登臨
得黃花且獨斟
客舍喜晴連月
雨家山似響隔河砧
亂來已失耕桑計
病後休論濟活心
自賀逢時能自弃
歸鞭唯拍馬韉吟

客中重九

楚老相逢淚滿衣
片名薄宦已知非
他鄉不似人間路
應共東流更不歸

重陽作

杜荀鶴



一為重陽上古臺亂時誰見菊花開偷擊白髮真堪
笑牢鑠黃金更可哀是箇少年皆老去爭知荒塚不
榮來大家拍手高聲唱日未沉西且莫迴

重九日廣陵道中

羅隱

秋山抱病何處登前時韋曲今廣陵大醉廣陵不解
悶韋曲舊游堪拊膺佳節縱餘隨分過流年無奈得
人憎却驅羸馬向南去牢落路歧非所能

九月九日詔顏少府

高適

簷前白日應可惜籬下黃花為誰有行子迎霜未授
衣主人得錢始沽酒蘇秦憔悴時多 蔡澤栖遲世
看醜縱使登高祇斷腸不如獨坐空搔首

同崔員外綦毋檢 九日宴京兆府李
士曹

今日好相見羣賢仍廢曹晚晴催翰墨秋興引風騷
絳葉擁虛砌黃花隨濁醪閉門無不可何事更登高
九月八日酬皇甫十見贈 白居易

君方對酒綴詩章我正持齋坐道場處處追游雖不
去時時吟咏亦無妨霜蓬舊髮三分白露菊新花一
半黃惆悵東籬不同醉陶家明日是重陽

九月八日

司空圖

已是人間寂寞花解憐寂寞傍貧家老來不待登高
看更甚殘春惜歲華



九月十日即事

李白

昨日登高罷今朝更舉觴菊花何太苦
遭得兩重陽
九月八日送蕭少府歸洪州

皎然

明日重陽今日歸布帆微雨望霏霏
行過鶴渚知堪任家在龍沙意有違

九月十日

愛寄柴桑隱名溪近訟庭掃沙開
野步搖舸出閑汀宿簡邀詩伴餘
夜在酒瓶悠然南望意自有峴山青

九月十日即事

嚴維

貧家惟種竹時宰故人看菊度重陽
少林經閏月寒

宿醒猶落帽華髮強扶冠美景良難得
今朝更盡歡

同前

陳羽

漢江天外東流去巴塞連山萬里秋
節過重陽人病起一枝殘菊不勝愁

九月十日郡樓獨酌

羊士諤

掾吏當授衣郡中稀物役嘉辰悵已失
殘菊誰為惜櫺軒一樽泛天景洞虛碧
暮節猶賞心寒江鳴湍石歸期北州里
舊友東山客飄蕩雲海深相思桂花白





中国国家图书馆
NATIONAL LIBRARY OF CHINA